

水考古録

序例圖卷首
卷一之卷三

七

ル 5
3297
2



門 几 5
號 3297
卷 2



續山東考
古錄



昭和十九年
五月三十日
購求

光緒八年七月
山東書局重刊

重刊續山東考古錄序

方輿之學非苟焉已也將以考古而載籍以來上下數千年間興廢同異之故卽起歷代之古人於一時恐有不勝抵牾者蓋其難也山東古文獻地見之經較詳而自晉以後北朝迄於遼金元更置不一去古愈遠變亦愈雜其考尤難吾鄉顧亭林氏山東考古錄一冊特因所見記之以補志之所未備未嘗以全書自命故曰錄且閒及物產風俗不獨方輿也光緒歲辛巳余奉

命撫是邦見張海藩觀察舊藏續山東考古錄一書譔者爲滄州葉子佩氏成於道光戊申凡今行省所轄郡邑無一不

及附以山水雜考古蹟辨誤大旨專以沿革為主為卷三十二考核辨駁多與志所載有異洵齊乘一大羽翼可以孤行而俟於後匪直錄焉而已然去顧氏二百年又其自為例而猶溯其源於顧氏亦足以見前賢之可貴而踵其志者不肯自私其說如葉氏者其精慎豈可及耶惜其書今無存板爰屬書局重刊以廣之士君子之生於斯者既資以各證其里居之舊而海內方輿諸家亦多所考焉

光緒八年歲次壬午秋七月任道鎔序



杜序

滄州為古渤海郡濱州為宋渤海郡蓋兩州皆瀕海壖今雖分隸兩省固與鄉里無殊也滄州葉子佩孝廉淵雅好古尤邃於輿地之學其所居去余州不二百里而余以官京朝久未之知也樂陵王雲湄太史榮第余甥也與孝廉為莫逆交咸豐二年春三月余於太史寓所見孝廉所著續山東考古錄太史因為余述其為人並云孝廉現計偕在都意欲索余一言弁其書首第以兒子翻為本科副考官未便枉顧榜發後孝廉匆匆南歸余竊以未得附名其書並一見其人為恨夏六月天子軫念兗濟災黎

命余往濟州籌辦賑務濟州刺史芸士公祖卽孝廉兄也余下車卽詢孝廉孝廉適省兄來署事畢來謁其人溫文爾雅益歎王甥之言不虛夫輿地之學世所難言余鄉自于氏作齊乘後無繼作者通志 本朝凡兩修春駁皆所不免顧氏亭林作山東考古錄最爲精核惜未能舉通省沿革逐一考訂此孝廉所以續作也余於此素未留意然余家於濱濱之沿革則頗能知之舊謂濱爲古漯沃不知其北境實厭次也舊指今蒲臺爲隋縣不知其故城在濱境也是書舉能不沿舊說其所引證與余見適合濱州如是則百五州縣中其糾訛求是皆信而有徵可知也此後重修通志或各府州縣自修其志皆可舉此書爲之

標準不至更承訛襲謬焉則此書繫乎吾鄉掌故者豈淺鮮哉
孝廉面索序言時余又有江南之役行旅匆遽走筆書此付之
濱州杜受田序

劉序

崑山亭林顧氏有山東考古錄一卷詞約而覈與日知錄三十卷所言地理之文各不相涉世傳爲預修山東通志遺藁而亭林遺書十種亦無之顧氏多未成之書如肇域志自謂未遑刪訂望後之人續而傳之是錄蓋亦非全書也滄州子佩孝廉究心地理之學二十餘年隨兄芸士先生宦山東久芸士先生所至孝廉皆得至之學有本原而目所已經又多得實故其語亦確往見世之爲地志者類皆足迹不出里閭耳目狹隘又多好爲新奇摺摭販鬻附會支離其甚者至曲古人之言以就私說而所載古城邑證以今之山川道里方向半與實悟或且雜

以小說旁涉委巷之談以快一時之論此考古之士所必訶不待識者而後知其謬也桐城姬傳姚氏嘗病方志家之言古城邑不考求四面地形遠近堪容置否是以所舉不實欲以漢縣與今地相較爲表而貫他縣沿革於其中東原戴氏善之良以郡縣之設繡壤紛羅代有廢興遷徙靡定必明乎地之不在此境者爲何境然後此境確然而無疑也惜姚氏老且病第爲廬江九江二郡沿革考刊惜抱軒文集中余得其書以姚氏非地理專門之學余亦未嘗一涉藩籬無以證其得失求之海內亦未見有能用此例以成一書者今孝廉以其續山東考古錄見示余方預修青州府志而沿革表實出李明府少白圖手考實

出王明府模山範手因持以就孝廉是正之乃知孝廉是書不必用姚氏例而其指實與姚氏相昭合昔姚氏二郡考成恨戴氏不及見吾亦恨孝廉是書之成而姚氏不及見尤恨續顧氏之書而顧氏之不得而見也芸士先生嘉孝廉用心之專力之勤出俸錢刻之濟南孝廉索余言爲序余淺學逡巡無以應命今芸士先生遷刺史去孝廉亦將遠別以余雖無學能讀之而通其意必欲得余一言余亦自幸附名其書又可藉以自重也故不辭而樂爲之序道光三十年端午後一日安邱劉燿椿撰

俞序

志山東者伏琛三齊記晏謨齊地記為最古其書已佚不傳傳者于欽齊乘六卷而已欽書首尾淹貫有法而為胡氏糾摘多至百十條則信乎作者之難也自大一統志之創於元人至李賢輩踵之而有明一統志之編

洪武中命纂寰宇通志其書分八目永樂十六年詔纂天下郡

縣志景泰中修寰宇通志準祝穆方輿勝覽其書皆不傳天順五年始撰一統志為後人通志之椎輪

然躋駁紕繆為人所詬病山東通志舊有陸張二本康熙初重

修方伯施公延顧徵君炎武主其事徵君以同事好立異同爭

之不能得而去此山東考古錄所由作也

王士禎居易錄云舊藏陸鼎儀鈔山東通

志精審不苟新通志修於癸丑當事既視為具文秉筆者又鹵莽滅裂不諳掌故如人物一門竟將曹縣李襄敏公秉單縣秦

襄毅公紘沂州王恭簡公景三鉅公姓名事實削去不存一字其餘概可見矣至岳濬再修多所考正尚未抉剔盡善也滄州葉君子佩隨其兄來歷下端居多暇寡所嗜好惟肆力於歷算輿地之學其所著埏紘考古錄予已歎其絕奇比復有續山東考古錄之役譔錄甫畢出以見示讀之蓋歎其才大思精爲地志不可少之書也地志始漢書而司馬彪續後漢書郡國志凡郡縣增省在安順以後者概置不錄唐修晉書以永嘉爲斷雖何法盛臧榮緒之書具在略未檢及卽山東論濟南一郡祇存祝阿一縣其餘訛脫可知矣近時洪亮吉補三國疆域志謂徵炎運則前無所承據金行則後無所據欲取則劉元而遠閱千祀難以己意增定郡縣蓋其難也如此

紀文達公總校四庫全書嘗言參伍考校唐宋元之志不甚謬至明而繆始極通都大邑之志不甚繆至僻邑而繆益極其考證詳確者千百之十一耳子佩生千載之後乃能州分部居疏通證明凡往籍中關山東地理者舉辨明而訂正之或目驗而可信或臆決而難欺思誤書而無鑿空之譏及闕文而存質疑之義出其緒餘更爲圖說凡疆域沿革水道變遷罔不考據確實使閱者於今昔分合之故了然於胸較若列眉是書是圖足以祛千餘載之惑正十二郡之誤斯亦有功於文獻矣子佩幼不好弄獨喜深沈之思凡書之號難讀他人經月不能了者一二過輒得其解予于乙巳歲始識子佩於歷下所言皆天下偉

人大事恨相得晚予學不逮其十之一然以所志同所趣同每一晤語未嘗不以所學互相質子佩早舉孝廉久困於春官試人皆知其才有用於世而不知其何以用也人苟讀萬卷書其胸中所積而欲發者不於事功則於文章世之貌爲理學經濟之說者人或可以襲取獨其苦心精詣低徊太息而不能名言之故則非志趣同者不足以知之是書在子佩虎之一毛耳然使後之作者溯源窮委從此而隅反之則雖舉天下之地志補正糾彈之不難則此一編也不徒爲考古之權輿地志之通例其爲不可少者豈惟山東一方之書而已哉

道光二十有八年夏五月海鹽俞浩湛持甫譔

孔序

康熙初修山東通志聘顧亭林先生入局是時郡邑之書頗備先生因別爲山東考古錄肇域志二書山川古蹟稍爲刪改顧以游蹟間有未及故不免有遺漏此滄州葉子佩先生續山東考古錄之所由編也竊惟地理之志莫古於禹貢而禹貢記九州之疆域一以山川爲定雖歷代沿革不同城郭遷建不一而考之於山川則不難於指掌乃今之爲郡縣志者率多沿誤承訛其弊卽在狃於山川不知山千古一定不移而川之遷徙不常今古異道必拘以定一郡一縣之四至則有大不相合者無惑乎因山川而移置城郭據古按今輒互相矛盾也子佩先生

慨夫修志者之踵因前失爰周歷各邑稽圖泝源以山定川以川之流證古今之異道而定今郡縣城郭之所在與古相建之處故其爲書博而精約而詳爲亭林先生考古錄之功臣其言曰山東百餘郡縣自漢迄今城不遷名不改者惟歷城掖縣二處則考据之詳核可見也後之讀是書者於山之形勢川之變遷疆域之沿革若網在綱有條不紊而歷古地志之繆忽自不煩言而解矣道光己酉冬孟朔旦曲阜世愚姪孔憲庚謹序於顧廬

自序

余十七歲時讀顧徵君炎武山東考古錄輒歎精核得未曾有而全書僅數十頁竊以太略爲恨自是涉獵之餘凡有關山東地理者輒筆錄而參訂之雖有續貂之想以見聞孤陋未敢也道光十九年芸士兄謁選得山東鄒平縣次年調館陶余皆隨任又幸得身履其地親驗周諮多所裨助思勒爲一編而府縣志尙多未見其所考正或已見於近志則已視爲心得者人或視爲唾餘又遲迴者久之二十五年從兄來歷城浼兄遍索諸寅好方盡得各邑乘而讀之其考證詳明者甚少益歎續山東考古錄之作不可已也爰取所業而排纂之凡四易稿三十八

閱月而成與顧氏書體例雖殊而志則一也憶兒時屢夢從兄登山東會城周覽形勢初不解何兆本年朝廷有外官不准弟姪隨任之

命而此編適於是時告成爰繕錄清本付兄收存余遂將遵功令旋里始恍然昔年之夢竟以是編踐之也從此不獲往來齊魯之郊與官斯土者及其邦賢士大夫以質證其錯繆是余之不幸卽是編之不幸也夫

道光二十八年夏 月滄州葉圭綬子佩甫識

例言

一顧氏雖以考古名篇實考山東地理之書也特原書卷帙無多故不分門類茲爲分門續纂曰沿革考曰雜考曰山考曰水考所以考地理者略備矣

一地理莫要於沿革亦莫難於沿革近世志乘之誤多由沿革不明他門皆因差謬故茲編考沿革爲最詳

一沿革古蹟地志每分爲二門不知古蹟者沿革之實據也茲考沿革全據其境內故城故城在本境書某代某國某邑某縣故城不在本境而境內確有其地有明證者則加地字境內當有其地無明證者但分註當有某地其無考國邑縣別

爲一卷其他古蹟統入雜考

一三代前分州不同見於總沿革各州縣沿革不復書以與國邑無統屬也漢迄宇文周皆以州領郡故悉書之

一齊魯諸大國其疆域見於總沿革各州縣沿革必其邑有可考者書某國某邑無邑可考不復書諸小國則總沿革不載惟見於州縣沿革

一漢縣大約因秦之舊但秦無地志逕據漢志固不可擇史漢中秦縣有據者書之反嫌挂漏今秦郡惟見於總沿革縣槩從略縣名有與漢異者方書之

一志地之書不論正閏統雖僭竊所改名增省必書非此則沿革不備也惟新莽所改後漢旋皆復故所改名備載班志各郡縣下無庸復贅後漢因而不改者分注於下

一三國志無地志近洪氏亮吉補三國疆域志不足深據與鄙見不同者未敢附和

一洪氏所補東晉及十六國疆域志想當然者居其半而紕繆尤多近志有據入沿革與正史並列似覺未安山東之地屬東晉之時無多與十六國茲皆從略必其時所建置者書之洪氏之誤附辨於晉代後

一隋書地理志雖亦名五代志而北齊宇文周二代不可考者正多往往今州縣當其時竟不知爲何縣地者姑從闕如

一隋唐州郡屢更其制其更改之年惟見於總沿革州縣沿革不復載惟所改州郡之名古未有者書之

一唐書地志不載方鎮歐陽公曰方鎮兵戎之事非職方所掌故也然五代以後往往以軍目地而沒州郡之名宋以後則徒有虛名第爲州郡美號志地者不可不書矣但唐時藩鎮廢置及所領州郡之分合載於方鎮表者其文實繁今亦備見於總沿革州縣沿革惟書方鎮治所及所賜軍號之年五代下則見於州縣沿革其軍治不在今山東境者附見於總沿革

一隋唐五代宋州郡類可通稱故州郡之名皆並行分書

一既有總沿革各府及直隸州亦當有沿革但已見於總沿革及州縣沿革故不另立專條

一各州縣境內每有古無縣治者但書某縣地不書所統屬已見於其治所所在之州縣也其境內有古縣治又有他縣之不同屬者仍書所統屬防混也境內無古縣治其地所隸之縣不在今山東境者亦書所統屬以其縣治不見於書中也

一凡州郡等治所在此縣書某治某縣不同城者加書治縣之某城其所治城在此縣其縣治不在此縣書某治某城爲某縣地所治在此縣所治之城非今縣地書某治某縣分注治某城今爲某縣地

一元迄明初凡州所治之縣皆廢舊書某縣省入某州夫縣本
 統於州不得云省入今書廢某縣其地直隸某州於義為協
 一凡故城或古未考及或舊說有誤詳載考證之文於下近志
 所已考及而無誤者則但書去城方向里數閒有未查明者
 闕之俟補

一三代前國邑散見羣書雖無考證之文亦書其始見之書後世

郡縣各有地志故從略其故城有即後代縣治者書即某代某縣

一古國邑惟據經史所載若不見經史僅見於路史等書者附
 存於考古之後提綱不取

一鹽鐵官無關地理晉宋以後又有鎮戍而土地人民仍歸郡

縣唐宋鎮將統於郡縣復有所謂監者皆不書五代史徐注曰監者物務之名不載於地理皇朝始與州府並列按監究無關於地理與鹽鐵官等耳九域志金志各縣載鎮凡幾鎮有鎮將也若今所謂鎮不過市集之場商賈所萃閒有分防佐職官亦屬無幾洪亮吉乾隆志各州縣亦仿九域志書鎮凡幾可謂泥古不通者惟明代衛所與府州縣分地而治其廢置附州縣後有
 不同城者亦書其故城

一凡徙治在本境內者提綱不書不在境內則書今為境內古
 本兩縣亦書古今皆一縣徙治後又於故城別置縣亦書

一古國邑郡縣外古城尚多凡城堡鄉鎮村里見於前史者皆
 考古者所當知也作雜考一卷漢侯邑無考者附後

一山水考不能遍及各有專例見本門

一一統志通志府州縣志不無錯誤州縣志地近則考訪易苟能詳審府志通志皆可仰成而一統志又通志以下所取法者也茲於各州縣沿革後其志中沿革古蹟二門之誤皆為摘駁別作一統志辨誤二卷府志通志之誤則散見各條

一聞見孤陋難免遺誤誠有如朱氏竹垞所云中間滲漏隨覽隨悔者各府州皆補遺於後

一此編既續顧氏之書凡見於山東考古錄及日知錄者統書詳前錄有鄙意未安者亦不敢從同

一稱引較多之書須知其人與世書名或略節字數以省煩文備列於此 歷代正史地志 漢曰漢志晉曰晉志餘倣此惟宋書州郡志稱劉宋志以別趙

宋後魏曰魏志不嫌混入曹魏者彼魏字上有三國字樣也 春秋釋地 晉杜預作稱杜注 水經注

後魏鄭道元 括地志 唐魏王泰作稱原名 元和郡縣圖志 唐李吉甫作稱原名

太平寰宇記 宋樂史作稱寰宇記裔孫樂篋校勘 元豐九域志 宋王存作稱九域志 通典

唐杜佑作 續通典 宋宋白作稱原名 文獻通考 宋馬端臨作稱通考 路史 宋羅泌作稱原名

稱原 續文獻通考 明王圻作稱續通考 齊乘 元于欽作稱原名 禹貢錐指 國朝胡渭作稱原名 讀史方輿紀要 國朝顧祖禹作稱紀要 四書釋地 國朝閻若璩作稱原名

稱原 補三國疆域志 國朝洪亮吉作稱補三國志下同 補東晉疆域志 補十六國疆域志 其乾隆府廳州縣志大抵原本近志絕少心得故稱引不多

續山東考古錄目次

卷首

圖考

總沿革

卷一

濟南府沿革上

歷城 章邱 鄒平 長山

卷二

濟南府沿革中

淄川 齊東 齊河 濟陽 德州

卷三

濟南府沿革下

德平 禹城 臨邑 平原 陵縣
長清

卷四

東昌府沿革上 聊城 堂邑 博平 茌平 清平

卷五

東昌府沿革下 莘縣 冠縣 館陶 恩縣 高唐州

卷六

泰安府沿革上 泰安 新泰 萊蕪 肥城

卷七

泰安府沿革下 東平州 東阿 平陰

卷八

武定府沿革上 惠民 青城 陽信 海豐

卷九

武定府沿革下 樂陵 商河 濱州 利津 蒲臺 雷化

卷十

臨清直隸州沿革 本州 武城 夏津 邱縣

卷十一

登州府沿革上 蓬萊 黃縣 福山 棲霞 招遠

卷十二

登州府沿革下 萊陽 海陽 寧海州 文登 榮城

卷十三

萊州府沿革上 掖縣 平度州 昌邑 濰縣

卷十四

萊州府沿革下 膠州 高密 卽墨

卷十五

青州府沿革上 益都 博山 臨淄 博興

卷十六

青州府沿革中 高苑 樂安 壽光

卷十七

青州府沿革下 昌樂 臨朐 安邱 諸城

卷十八

兗州府沿革上 滋陽 曲阜 寧陽 鄒縣 泗水

卷十九

兗州府沿革下 滕縣 嶧縣 汶上 陽穀 壽張

卷二十

沂州府沿革上 蘭山 郯城 費縣

卷二十一

沂州府沿革下 莒州 沂水 蒙陰 日照

卷二十二

曹州府沿革上 荷澤 曹縣 定陶

卷二十三

曹州府沿革中 鉅野 鄆城 單縣 城武

卷二十四

曹州府沿革下 濮州 范縣 觀城 朝城

卷二十五

濟寧直隸州沿革 本州 金鄉 嘉祥 魚臺

卷二十六

無考國邑縣

卷二十七

雜考

卷二十八

山考

卷二十九

水考一

卷三十

水考二

卷三十一

一統志山東沿革辨誤

卷三十二

一統志山東古蹟辨誤

山東郡縣圖考序

齊魯故文獻邦岱宗爲五岳長帶河襟海古所稱名區矣
而論天下之險要以今之勢所以屏蔽

京師左則陪都右則新部獨邊海之域山東爲最邇此固凡
言地利者所宜悉心況撫茲土宇者哉余忝

命涖東恆以四履之間不能考證爲懼適得滄州葉子佩氏續
山東考古錄內載圖考準今爲式郡縣瞭如凡十四番爰
重刊之非但識其山川道路城堡而已亦欲分治斯境者
自連帥以迄郡邑大夫下至丞尉凡有地方之責咸留意



焉稽版圖之廣狹而物產之盈虛民風之純駁胥隱隱焉
在務各自強其政以無負

朝廷分土授官之意且瀕海千數百里更因惕然於設險守
國之思焉是在善閱者矣

光緒八年歲次壬午秋七月任道鎔序



圖考



山東總圖
每方廿分
二方一度

圖考一
三六
三七
三六
三五
三四

濟東泰安臨圖

圖考二

山東州縣北極高度表
北極高度分與去赤道度分同
緯度每度二百里
經度極南北約百七十里

歷章鄒淄長新齊濟德州平原臨平陵長聊堂博茌清莘冠館恩高泰安平阿陰泰蕪城惠民信豐

濟南府 城邱平川山城河東陽州平城邑原縣清東昌府 城邑平平平縣縣陶縣唐安泰府 安平阿陰泰蕪城

度 三六三三 度 三六三三 度 三六三三 度 三六三三 度 三六三三 度 三六三三 度 三六三三 度 三六三三

分 二五四六 分 二五四六 分 二五四六 分 二五四六 分 二五四六 分 二五四六 分 二五四六 分 二五四六

秒 三三三三 秒 三三三三 秒 三三三三 秒 三三三三 秒 三三三三 秒 三三三三 秒 三三三三 秒 三三三三

度 八四七三 度 八四七三 度 八四七三 度 八四七三 度 八四七三 度 八四七三 度 八四七三 度 八四七三

分 〇〇三三 分 〇〇三三 分 〇〇三三 分 〇〇三三 分 〇〇三三 分 〇〇三三 分 〇〇三三 分 〇〇三三

秒 〇〇〇〇 秒 〇〇〇〇 秒 〇〇〇〇 秒 〇〇〇〇 秒 〇〇〇〇 秒 〇〇〇〇 秒 〇〇〇〇 秒 〇〇〇〇

度 〇〇〇〇 度 〇〇〇〇 度 〇〇〇〇 度 〇〇〇〇 度 〇〇〇〇 度 〇〇〇〇 度 〇〇〇〇 度 〇〇〇〇

分 〇〇〇〇 分 〇〇〇〇 分 〇〇〇〇 分 〇〇〇〇 分 〇〇〇〇 分 〇〇〇〇 分 〇〇〇〇 分 〇〇〇〇

秒 〇〇〇〇 秒 〇〇〇〇 秒 〇〇〇〇 秒 〇〇〇〇 秒 〇〇〇〇 秒 〇〇〇〇 秒 〇〇〇〇 秒 〇〇〇〇

度 〇〇〇〇 度 〇〇〇〇 度 〇〇〇〇 度 〇〇〇〇 度 〇〇〇〇 度 〇〇〇〇 度 〇〇〇〇 度 〇〇〇〇

分 〇〇〇〇 分 〇〇〇〇 分 〇〇〇〇 分 〇〇〇〇 分 〇〇〇〇 分 〇〇〇〇 分 〇〇〇〇 分 〇〇〇〇

秒 〇〇〇〇 秒 〇〇〇〇 秒 〇〇〇〇 秒 〇〇〇〇 秒 〇〇〇〇 秒 〇〇〇〇 秒 〇〇〇〇 秒 〇〇〇〇

度 〇〇〇〇 度 〇〇〇〇 度 〇〇〇〇 度 〇〇〇〇 度 〇〇〇〇 度 〇〇〇〇 度 〇〇〇〇 度 〇〇〇〇

分 〇〇〇〇 分 〇〇〇〇 分 〇〇〇〇 分 〇〇〇〇 分 〇〇〇〇 分 〇〇〇〇 分 〇〇〇〇 分 〇〇〇〇

秒 〇〇〇〇 秒 〇〇〇〇 秒 〇〇〇〇 秒 〇〇〇〇 秒 〇〇〇〇 秒 〇〇〇〇 秒 〇〇〇〇 秒 〇〇〇〇

度 〇〇〇〇 度 〇〇〇〇 度 〇〇〇〇 度 〇〇〇〇 度 〇〇〇〇 度 〇〇〇〇 度 〇〇〇〇 度 〇〇〇〇

分 〇〇〇〇 分 〇〇〇〇 分 〇〇〇〇 分 〇〇〇〇 分 〇〇〇〇 分 〇〇〇〇 分 〇〇〇〇 分 〇〇〇〇

秒 〇〇〇〇 秒 〇〇〇〇 秒 〇〇〇〇 秒 〇〇〇〇 秒 〇〇〇〇 秒 〇〇〇〇 秒 〇〇〇〇 秒 〇〇〇〇

度 〇〇〇〇 度 〇〇〇〇 度 〇〇〇〇 度 〇〇〇〇 度 〇〇〇〇 度 〇〇〇〇 度 〇〇〇〇 度 〇〇〇〇

分 〇〇〇〇 分 〇〇〇〇 分 〇〇〇〇 分 〇〇〇〇 分 〇〇〇〇 分 〇〇〇〇 分 〇〇〇〇 分 〇〇〇〇

秒 〇〇〇〇 秒 〇〇〇〇 秒 〇〇〇〇 秒 〇〇〇〇 秒 〇〇〇〇 秒 〇〇〇〇 秒 〇〇〇〇 秒 〇〇〇〇

度 〇〇〇〇 度 〇〇〇〇 度 〇〇〇〇 度 〇〇〇〇 度 〇〇〇〇 度 〇〇〇〇 度 〇〇〇〇 度 〇〇〇〇

分 〇〇〇〇 分 〇〇〇〇 分 〇〇〇〇 分 〇〇〇〇 分 〇〇〇〇 分 〇〇〇〇 分 〇〇〇〇 分 〇〇〇〇

秒 〇〇〇〇 秒 〇〇〇〇 秒 〇〇〇〇 秒 〇〇〇〇 秒 〇〇〇〇 秒 〇〇〇〇 秒 〇〇〇〇 秒 〇〇〇〇

度 〇〇〇〇 度 〇〇〇〇 度 〇〇〇〇 度 〇〇〇〇 度 〇〇〇〇 度 〇〇〇〇 度 〇〇〇〇 度 〇〇〇〇

分 〇〇〇〇 分 〇〇〇〇 分 〇〇〇〇 分 〇〇〇〇 分 〇〇〇〇 分 〇〇〇〇 分 〇〇〇〇 分 〇〇〇〇

秒 〇〇〇〇 秒 〇〇〇〇 秒 〇〇〇〇 秒 〇〇〇〇 秒 〇〇〇〇 秒 〇〇〇〇 秒 〇〇〇〇 秒 〇〇〇〇

度 〇〇〇〇 度 〇〇〇〇 度 〇〇〇〇 度 〇〇〇〇 度 〇〇〇〇 度 〇〇〇〇 度 〇〇〇〇 度 〇〇〇〇



分 〇〇〇〇 分 〇〇〇〇 分 〇〇〇〇 分 〇〇〇〇 分 〇〇〇〇 分 〇〇〇〇 分 〇〇〇〇 分 〇〇〇〇

秒 〇〇〇〇 秒 〇〇〇〇 秒 〇〇〇〇 秒 〇〇〇〇 秒 〇〇〇〇 秒 〇〇〇〇 秒 〇〇〇〇 秒 〇〇〇〇

濟南府圖


府作回直隸州作州作
 日縣作○其中點係所占
 度分古國邑後代因立郡
 作○古國邑後代因立郡
 縣者亦作○地名沿革限
 於尺幅不備載但書現在
 稱名圖書合觀自明鄉鎮
 城堡作△佐貳分駐之地
 作△古國邑後代因立郡
 考未確指其地者但書
 名不識道路作單畫頓
 處作×古水道作單畫頓
 提作



惠民




每方二十里每
十方緯度一度

界安泰









登萊青番

臨清州圖





登州府圖





萊州府圖


圖考九





青州府圖



兗沂曹濟





泗水

埠

界州邱

印安

城諸


海

海


州海

漢魏其縣
古來公似
不在此

濟寧州圖




曹州府圖





水經注今山東境內水道圖



古國作口邑作▲州郡縣
 作○漢郡縣城即古國邑
 城者作◎漢侯邑亦作▲
 餘古城亭作△今縣作●
 今平度以東水經注所不
 及故圖迄於此

秦台東三十
 里即海全利
 津雷化皆在
 海中


新阨奪

增黃濟

海河圖

疆穿

險運



海

海

海

島城陸南 島城陸北

直隸清河縣界

直隸武安縣界

直隸平定縣界

直隸清河縣界

直隸清河縣界

直隸清河縣界

直隸清河縣界

直隸清河縣界

直隸清河縣界

直隸清河縣界

直隸清河縣界

直隸清河縣界

直隸清河縣界

直隸清河縣界

直隸清河縣界

直隸清河縣界

直隸清河縣界

直隸清河縣界

直隸清河縣界

直隸清河縣界

直隸清河縣界

直隸清河縣界

直隸清河縣界

直隸清河縣界

直隸清河縣界

直隸清河縣界

直隸清河縣界

直隸清河縣界

直隸清河縣界

直隸清河縣界

直隸清河縣界

直隸清河縣界

直隸清河縣界

直隸清河縣界

直隸清河縣界

直隸清河縣界

直隸清河縣界

直隸清河縣界

直隸清河縣界

直隸清河縣界

直隸清河縣界

直隸清河縣界

直隸清河縣界

直隸清河縣界

直隸清河縣界

直隸清河縣界

直隸清河縣界

直隸清河縣界

直隸清河縣界

直隸清河縣界

直隸清河縣界

直隸清河縣界

續山東考古錄卷之首

滄州葉圭綬子佩甫述

山東布政司總沿革

古青州及兗州南境徐州北境豫州東北隅舜十二州此不改殷改青州為營州

禹貢海岱惟青州蓋東與東北皆至海南至岱西與西北至濟不言濟者見於兗州也今山東實有青州全境經文簡明本無可疑自漢馬鄭諸儒創為舜分青州為營州之說謂禹貢青州越海有漢遼東及朝鮮三韓之地遂有訓孔傳據海為跨海者禹貢錐指力駁訓據為跨之說獨於青州謂其可

殷商無間一作殷無間山名在奉天其後
殷中里為陰山山脈之分支西與遼東
朝陽之北出嶺相接分封三山以此山
為幽州之鎮

通余竊有疑焉九州分界皆因山川之自然江淮河濟尚無
一州跨兩岸者況大海乎諸儒所據惟爾雅齊曰營州一語
考講家以爾雅九州為殷制第以與禹貢周禮皆不同殷制
無考其說自可從若舜之十二州惟幽州見於書并州營州
乃後人以見於爾雅周禮者湊足其數又以周禮幽州山鎮
為醫無閭已盡漢遼西之境無處可容營州遂為分青為營
之說屬之遼東持其說者競以周幽州跨海有古青州地證
青州亦可越海有遼東究之周幽州與所有青州地實陸地
相連詳並非越海甚有以漢末公孫氏據遼東越海收東萊
地明遼東都指揮司屬山東為證者何足據乎夫經文明言

海岱惟青州如果越海有地則海在其域內不足舉為限界
如仍至於海耶今盛京東北歷吉林寧古塔又東北盡使犬
使鹿之邦遠者五六千里近者亦二三千始極於海謂皆
古青州地豈不令人駭笑儻不至於海耶則經何以云海岱
惟青州胡氏獨謂青州跨海為可通者以他州一訓為跨則
疆域混淆動多齟齬遼東非九州限內跨而有之不至混入
他州故耳然獨不自嫌矛盾乎又考嶠夷既略濰淄其道萊
夷作牧正治青州自東而西次第胡渭又以先濰淄後萊夷
為疑不知古濰淄水側皆有萊夷詳黃縣高密
萊蕪臨朐萊邊營邱則
濰淄不治萊夷無作牧之理舊說誤以黃縣為萊都遂謂今

使犬 紉塔名清通考自寧古塔東七百餘
里外治北江大島拉江直入海處兩岸
高懸皆費雅哈所居其塔不知何種
以捕魚為生其地行獵并皆以犬
謂使犬部地俗亦謂之使犬部考陶宗儀
輟耕錄稱遼東行省使犬部官至野
兒于項中站車全率以四狗挽之其
語人性元志并其俗有狗車木高難
之使狗車如船以數十狗曳之往來
運自太祖入命元年即招撫使大略
後全歸歸州以其土產貂等物就寧古
塔副都統處輸納崇禎高僧據令俄
領東海濱有及庫五百島皆使犬部
領地惟西伯利亞一帶亦有使犬之俗
因地帶東來利於行棧也
使鹿 對其名清通考亦謂遼東呼
遼東北界遼東之別散處山林以捕貂
為功其土中人至於野倫各一名奇勒
其功在遼東遼東使鹿野倫各在諸
部之外使鹿野倫各在遼東之外
遼東野倫各在遼東之外使鹿野倫
龍江野倫各在遼東之外使鹿野倫
今在江北者已屬於俄使鹿野倫各
自西伯利亞一帶亦有之使鹿野倫
一語也
黃縣 地志云古以寧古塔為黃縣
黃縣之北界見於古人至於寧古塔
時六高家坊為特設口寧古塔一語
曰寧古塔據清之先寧古塔與動
今寧古塔之界今寧古塔與動
見東華錄一書古塔非一地也

姑尤水名在子虛賦據此子虛公王
海行三百餘里純齊東萊故曰姑尤以西據
大清河出山東按遼東會山南流經萊
陽小清河出掖縣馬鞍山南流來注之
流南經子虛縣為清河至膠縣入海
黃河合流入海

登萊二府皆古萊夷謂嶠夷為今朝鮮考孔傳稱嶠夷為東
表之地正義曰青州之東界外之畔為表故云東表之地夫
界外之畔並非海外之畔春秋時萊夷滅於齊而齊界不外
姑尤即謂姑尤為界無不可謂此外皆嶠夷亦無不可後人
以青州東極於海因謂界外為海外則是禹治青州先越海
而治今朝鮮又越海而治濰淄似無此理況殷末箕子罔為
臣僕所適必從古未隸中國之方嶠夷為唐虞以來版圖內
地箕子適此安見罔為臣僕哉困學紀聞引薛氏說以登州
為嶠夷最為允當寰宇記以密州為嶠夷不可從總之遼東古縱在九州內
亦當屬冀州禹貢冀州島夷即今朝鮮東南諸島如渤海跨

子虛曰鳥也如有子虛賦據此子虛公王
鳥有子虛以五言後人因謂虛無之事曰子
虛是也
齊東德州曹州府之荷澤禹貢荷澤屬豫州
今以名縣實充地
濮州范縣朝城

在青州域內島夷無書於冀州之理況東漸於海經有明文
斷無越海之地可知舜誅竄四凶即其時中土四方極邊之
地而殛鯀不越羽山一說在江南贛榆界非東無海外地明
證哉子虛賦齊邪與肅慎為鄰右以湯谷為界秋田乎青邱
傍徨乎海外又亡是公曰今齊列東藩而外私肅慎捐
國踰限越海而田按此賦本義在虛夸此又虛夸中之設言
非齊真與肅慎鄰有海外地也○顧亭林亦謂營州非禹貢
九州地閭潛邱劄記據史記舜紀北發息慎駁之但以爲青
州所分實與經文不合故未敢曲從詳見余夤紘考古錄
青州之域今登萊二府青州府除博興一縣濟南府之歷城
長清章邱鄒平長山新城淄川是

兖州南境今濟南府之齊河濟陽臨邑禹城平原陵縣德平
齊東德州曹州府之荷澤禹貢荷澤屬豫州濮州范縣朝城

鄆城兗州府之陽穀壽張青州府之博興東昌武定二府臨清一州是

徐州北境今沂州泰安二府兗州除陽穀壽張二縣曹州府之鉅野城武單縣濟寧一州是

豫州東北隅今曹州府之定陶曹二縣是

周青州兗州南境幽州東南境豫州東北隅春秋為齊國齊地在

今直隸者漢志齊有渤海之高粱高成二縣魯國魯地有在今江南者漢志魯南有泗水至淮得臨淮之下相睢陵僅縣取慮按東海又晉衛宋曹諸國地小國詳州縣戰國為齊國魯國之厚邱亦魯地

又趙魏楚三國地

周青州并有徐州大半周禮青州澤藪曰望諸則西南侵入

○睢陵魯名漢置齊廢即今江蘇睢寧縣也
○渤海郡名漢置今直隸河朔魯地
○東至涿郡北至膠東文安文安今直隸文安縣地
○深州後漢治南皮之南以治州名渤海郡

望諸魯名即孟諸魯國屬齊樂毅奔趙趙封為望諸君李其所以來也

豫州其東北割入幽州

子虛賦齊浮渤澥游孟諸蓋宋滅後孟諸在齊境也

周幽州川曰河澨澨音水之可飲也浸曰菑音水之可飲也時是分有兗州近海之地渤海南

北雖各有幽州地而由今直隸天津府直沽口即禹河入海口也其地周屬幽州

南入山東武定府境傍海陸地自相連也舊說幽隔海分青

地失考甚矣

周兗州山鎮曰岱山澤藪曰大野南踰濟有徐州地

春秋齊境今青州府除安邱東境莒杞地諸城西境莒魯地昌樂

東南境萊州府除濰縣南境二處杞地卽墨一縣今卽墨古夷濟國在姑尤外

南武定二府東昌府之聊城堂邑博平高唐茌平泰安府之

平陰東阿及泰安萊蕪之北境東平東境肥城南境沂州府

莒少皞之後又今縣在漢置全漢書青州此即齊廢魯入所清屬山東沂州府民田改州為縣屬山東兗州府本漢城陽王國春秋春秋之莒國也一統志按春秋時別有三莒一為周境內莒左傳莒是也二為齊境內莒左傳莒是也三為魯境內莒左傳莒是也

於泗川地名漢有菑川王國漢制故城在今山東之莒縣

辭 古國名。夏、商、周之後。戰國時滅於齊。今山東有滕縣。西有辭城。

郡 古國名。少昊氏之後。左傳。郟子外朝。在今山東郟城縣境。

郟 古國名。少昊氏之後。左傳。郟子外朝。在今山東郟城縣境。

郟 古國名。少昊氏之後。左傳。郟子外朝。在今山東郟城縣境。

郟 古國名。少昊氏之後。左傳。郟子外朝。在今山東郟城縣境。

郟 古國名。少昊氏之後。左傳。郟子外朝。在今山東郟城縣境。

郟 古國名。少昊氏之後。左傳。郟子外朝。在今山東郟城縣境。

郟 古國名。少昊氏之後。左傳。郟子外朝。在今山東郟城縣境。

郟 古國名。少昊氏之後。左傳。郟子外朝。在今山東郟城縣境。

郟 古國名。少昊氏之後。左傳。郟子外朝。在今山東郟城縣境。

郟 古國名。少昊氏之後。左傳。郟子外朝。在今山東郟城縣境。

郟 古國名。少昊氏之後。左傳。郟子外朝。在今山東郟城縣境。

郟 古國名。少昊氏之後。左傳。郟子外朝。在今山東郟城縣境。

郟 古國名。少昊氏之後。左傳。郟子外朝。在今山東郟城縣境。

郟 古國名。少昊氏之後。左傳。郟子外朝。在今山東郟城縣境。

郟 古國名。少昊氏之後。左傳。郟子外朝。在今山東郟城縣境。

郟 古國名。少昊氏之後。左傳。郟子外朝。在今山東郟城縣境。

郟 古國名。少昊氏之後。左傳。郟子外朝。在今山東郟城縣境。

郟 古國名。少昊氏之後。左傳。郟子外朝。在今山東郟城縣境。

郟 古國名。少昊氏之後。左傳。郟子外朝。在今山東郟城縣境。

郟 古國名。少昊氏之後。左傳。郟子外朝。在今山東郟城縣境。

郟 古國名。少昊氏之後。左傳。郟子外朝。在今山東郟城縣境。

郟 古國名。少昊氏之後。左傳。郟子外朝。在今山東郟城縣境。

郟 古國名。少昊氏之後。左傳。郟子外朝。在今山東郟城縣境。

郟 古國名。少昊氏之後。左傳。郟子外朝。在今山東郟城縣境。

郟 古國名。少昊氏之後。左傳。郟子外朝。在今山東郟城縣境。

郟 古國名。少昊氏之後。左傳。郟子外朝。在今山東郟城縣境。

郟 古國名。少昊氏之後。左傳。郟子外朝。在今山東郟城縣境。

郟 古國名。少昊氏之後。左傳。郟子外朝。在今山東郟城縣境。

郟 古國名。少昊氏之後。左傳。郟子外朝。在今山東郟城縣境。

續山東考古錄 卷之首

濟陰東平又云東平須昌壽良皆在濟東屬魯非宋地當考按東平戰國或曾入宋

秦齊郡又辭郡後分爲郟郡又琅邪郡東郡碭郡鉅鹿郡泗水

郡邯鄲郡地 泗水一作泗川

秦齊郡漢之齊郡平原千乘濟南北海東萊六郡淄川膠東

高密城陽四國 秦漢間有三齊臨淄膠東濟北三國也漢初

有志高后時有四齊齊琅邪濟南城陽也見高五王傳景帝

時有四齊齊南齊東膠西淄川濟南四國也見賈誼傳又有稱六

陽濟北六國也見鄒陽傳

秦辭郡漢之魯國東海郡 應劭曰漢東海郡秦郟郡魏志

水經注說同獨裴駟史記注所載秦三十六郡無郟郡胡三

省以爲然通考以爲辭分爲郟郡姑從之

秦琅邪郡卽漢琅邪郡

秦東郡漢東郡魏郡

秦碭郡漢山陽郡濟陰郡梁國東平國

秦泗水郡漢沛郡楚國

秦鉅鹿郡漢清河郡渤海郡

秦邯鄲郡漢廣平國 以上凡得秦八郡地 計郟今山東有

齊郡全境辭琅邪二郡十得八九東郡碭郡次之鉅鹿又次

之泗水又次之邯鄲僅南曲一縣而已 秦諸郡合以今輿地

國參觀州縣沿革可得其大略辭郡以下第據在今山東境

者綴以漢郡國非謂漢之某某郡國已盡秦諸郡之全境也

漢青州又兗州徐州冀州豫州幽州地 又字以下皆非

續山東考古錄 卷之首 總沿革

刺史官名漢武帝置都刺史督
察郡國刺者言刺舉不法史者
從也魏晉於冀州以督兼領
刺史冀州益重隋罷郡以
州統縣自是刺史但為太守之
互名唐因之宋則更無時任以
武臣遷轉之少初於諸州置
知州以領之元明後刺史之名
廢而後猶稱知州者刺史之名
名存而實亡也按漢武謂漢之
刺史猶後世之總督也魏晉
隋唐之刺史猶後世之知府及直
隸州知州此刺史之名實之沿革也
宋魏晉唐之刺史注漢書多取夏
書決疑也古時稱遷秦為大魏故
亦古亦稱小魏
○從事佐史之稱漢制刺史佐史如
御史大夫之屬郡國從事等皆為從
事史又有都郡國從事等皆為從
國各一人主督促文書東晉非
從事武猛從事等職權為從
事皆州自辟除亦謂之州從
事宋以後廢

○青州古九州之一言高唐海岱惟
青州註者謂土居少陽其色尚
青故名今山東之膠東道及濟
南道之境皆是亦有秦人秦
河以東之地周漢皆置青州後
漢青州刺史治臨淄晉代遷以
地為青州全改名益都州治益
都明建為青州府屬山東清
因之民圖廢今益都縣其地也

漢書武紀元封五年初置刺史部十三州小顏注漢書儀云
初分十三州假刺史印綬有常治所又辭宣朱博傳朱博為
冀州刺史行部使從事告敕吏民使者行部還詣治所顏注
治所刺史所止理事處按後漢志始載刺史治所然據此二
條則前漢刺史已有常治但多不可考矣
後漢青州又兖州徐州冀州豫州地三國魏同

晉青州又兖州徐州冀州司州豫州地東晉青曰北青
州徐曰北徐州
劉宋惟有河南地兖州惟得漢州之東半今山東有其全境
宋書明帝紀泰始四年八月辛卯分青州置東青州以沈文

靖為刺史沈文秀傳泰始三年以文秀弟文靜統高密北海
平昌長廣東萊五郡軍事由海道救青州至東萊之不其城
宋不其縣屬長廣為虜所斷不得進因保城自固又為虜所
攻屢戰輒克太宗以為東青州刺史四年不其城陷文靜見
殺按是時文秀尚守青州拒魏淮北地盡失故文靜由海道
往救不其城旋陷故宋志不載東青州少帝元年魏圍青州
刺史竺夔力守不能
陷魏焚攻具走夔上言東陽城被攻毀壞不可守移鎮長
廣之不期城是不其城曾為青州治蓋暫駐旋復故也
後魏青州齊州宋僑濟州兖分光州青分膠州漢青南青州漢徐北
徐州徐分又兖州徐州司州後改為冀州滄州幽分西兖州豫分豫州
東徐州揚州治已氏之北地高齊無揚州地餘同

續通志卷一百一十五 總沿革

後魏置東青州南冀州皆旋廢詳平原聊城齊書高乾傳魏孝昌末葛榮作亂以高翼為渤海太守未幾賊徒愈盛翼部率合境徙居河濟之間魏因置東冀州以翼為刺史按此州當未久即罷與東青南冀同而魏志失載治所疑在濟南北境魏書昭成子孫傳元德贈曹州刺史魏無曹州疑有誤魏志西兗州孝昌三年置然魏本有西兗州高祐傳云出為西兗州刺史鎮滑臺蓋本宋兗州舊治後復置於定陶耳紀要稱徙定陶後旋復滑臺未詳所本

宇文周青州置總管府齊州濟州魯州光州膠州莒州南沂州又兗州曹州西兗州徐州洛州冀州滄州魏州貝州二皆邳州徐

徐州古九州之一(禹貢)制河相... 後魏置徐州... 齊書高乾傳魏孝昌末葛榮作亂以高翼為渤海太守未幾賊徒愈盛翼部率合境徙居河濟之間魏因置東冀州以翼為刺史按此州當未久即罷與東青南冀同而魏志失載治所疑在濟南北境魏書昭成子孫傳元德贈曹州刺史魏無曹州疑有誤魏志西兗州孝昌三年置然魏本有西兗州高祐傳云出為西兗州刺史鎮滑臺蓋本宋兗州舊治後復置於定陶耳紀要稱徙定陶後旋復滑臺未詳所本

地

隋北海郡本青州罷總管府魯郡本齊東萊郡本光州隋初曰萊州高密郡本膠州隋初曰密州琅邪郡本沂東平郡本魯州隋初曰鄆州濟北郡本齊平原郡隋初曰德又濟陰郡本曹渤海郡本滄武陽郡本魏梁郡隋初曰宋州東郡隋初曰滑

州隋志大業二年改彭城郡本徐清河郡本貝下邳郡本地

隋志諸郡後統以禹貢九州舊以為史官以作綱領非其時制也但總敘有云煬帝改州為郡乃置司隸刺史分部巡警張須陀傳須陀為齊郡丞破賊司隸刺史裴操之上狀漢制畿內曰司隸隋都關中齊郡似不能屬司隸或東京亦稱司隸齊郡屬之歟蓋煬帝時諸郡仍分隸刺史惜部分不可考

北海郡名漢置山其臨青州南東... 齊州今山東益都縣舊曰齊... 齊州後魏置宋改曰高唐... 齊州今山東益都縣舊曰齊... 齊州後魏置宋改曰高唐... 齊州今山東益都縣舊曰齊... 齊州後魏置宋改曰高唐...

漢膠西王國元置膠州
膠州漢有膠東王今山東
平度等縣地膠西漢膠
西王國今山東膠縣古高密
地
洛州曰東魏政司州為洛州今
河南洛陽縣是曰魏太和中
置洛州治上洛今陝西商縣
是

揚州古九州之一(為王邑)淮海惟
揚州今浦地江南曰揚州(李巡注)
江南吳之蹙蹙履性輕揚今
江蘇安山徽江西浙江福建之地
周漢皆置揚州後漢揚州刺史
文選揚州治合肥即今安
徽合肥縣後魏置揚州即今
安徽壽縣吳揚州治建業
即今江蘇江寧縣隋改江都
揚州於江都唐以後遂以
以其地為揚州元為路明
府清因之唐置江蘇氏國
廢今江蘇縣其地也
史亦稱高者又北齊朝代名
北朝之郡(今河南安陽)
有今直隸山東山西河南及奉
天西部之地凡五十二年為北
周所滅
魏晉之官魏晉之官魏晉有
新晉軍事後周以來改都督
為總管唐初尚然後守三府者
謂三州魏晉世世討者則

魏晉之官魏晉之官魏晉有
新晉軍事後周以來改都督
為總管唐初尚然後守三府者
謂三州魏晉世世討者則
魏晉之官魏晉之官魏晉有
新晉軍事後周以來改都督
為總管唐初尚然後守三府者
謂三州魏晉世世討者則
魏晉之官魏晉之官魏晉有
新晉軍事後周以來改都督
為總管唐初尚然後守三府者
謂三州魏晉世世討者則

唐河南道河北道地洛州唐志屬河北五代同

唐初於兗州置中都督府齊州置下都督府尋以權重罷之
至德後今山東地分隸淄青平盧軍天平軍泰寧軍三鎮又
為義昌天雄昭義宣武武寧五鎮地

淄青平盧軍

至德元載置青密節度使領北海高密東牟東萊四郡治北
海郡乾元元年增領滑濮二州二年增領淄沂海三州旋以
滑海二州隸汴滑節度濮州隸鄆齊兗節度上元元年復領
海州二年并淄沂節度所領淄沂滄德棣五州平盧節度使
侯希逸引兵保青州授青密節度使改號淄青平盧唐書侯
希逸傳

肅宗因以希逸為平盧淄青節度使自是淄青常以平增領
盧寇使據此當稱平盧淄青矣而方鎮表作淄青平盧增領
齊州鄧景山傳至德初擢拜青齊節度使關播傳亦稱景山
稱淄青節度使誤寶應元年登萊沂海泗五州隸兗鄆節度
人物志亦作青齊
兗鄆旋廢復領五州廣德元年德州隸魏博節度增領瀛州
瀛旋還魏博永泰元年增領押新羅渤海方鎮表作兩蕃使
大歷四年析沂密海三州置都防禦使旋廢復領三州十年
增領德州十一年增領鄆曹濮徐兗五州泗州隸永平軍建
中三年廢淄青平盧節度使置淄青都團練觀察使領淄青
登萊齊兗鄆七州治如故置徐兗沂密都團練觀察使李洎
洎徐海沂密觀察使正德宗建治徐州興元元年廢徐兗沂
中時事而方鎮表作徐兗沂密

屬東海郡東臨道本漢屬
沛長內縣宋將陵縣又陵州
武陽郡名本魏州隋文帝初改
郡今直隸六名是也
○彭城郡名本漢彭城屬南朝
劉宋及郡唐廢故城即銅山縣
○司隸官名周禮秋官之屬掌
帥領罪隸修廢以給勞役漢
武帝仿置司隸校尉始亦使將徒
治道路漢源之役京督大務獨
後稍分年之使參監隸東漢元
重魏晉以來并仍其制隸
司隸所領州曰司州隋置司
隸臺有司隸大夫掌守諸巡
察之官
○郡丞官名通志奏置郡丞以
佐守在本郡長吏掌兵馬八後
漢置之每郡四五人丞一人
太守一人官名秩二千石秦李名
郡守漢景帝時始稱太守宋
以後改郡為府故知府亦太守

密及曹濮兩觀察使復置淄青平盧節度使領青淄登萊齊
兗鄆徐海沂密曹濮十三州徙治鄆州旋以徐州隸徐泗濠
節度使十四年惟領青淄齊登萊五州還治青州薛平傳李師道平詔
分淄青齊登萊五州為平太
和元年以齊州隸橫海軍增領
盧軍此後始專稱平盧也
棣州咸通五年以棣州隸天平軍十三年復領齊棣二州乾
寧三年析齊州置武肅軍防禦使天復元年罷凡領青淄齊
棣登萊六州
天平軍
至德元載置鄆齊兗三州都防禦使治齊州乾元二年升節
度使治兗州增領濮州尋以濮州隸河南節度土元二年以

齊州隸青密節度增領徐州寶應元年增領登萊沂泗海五
州五年廢兗鄆節度使兗鄆濮徐隸河南節度登萊沂海泗
隸淄青平盧元和十四年復置鄆曹濮三州節度使治鄆州
十五年賜號天平軍馬總傳李師道平析鄆曹濮為一道除總節度使賜號天平軍咸通五
年增領齊棣二州十三年二州隸平盧軍曹州後隸宣武軍
領鄆濮二州
泰寧軍
元和十四年置沂海觀察使領沂海兗密四州治沂州長慶
元年升節度使治兗州李華傳華惡沂地編請治兗許之太和八年降觀察
使大中五年復故咸通三年增領徐州五年徐州隸徐泗團

練觀察使景福四年賜號泰寧軍

德滄二州隸義昌軍 開元十三年滄州置橫海軍使十八年廢二州隸幽州節度使上元二年二州

隸淄青平盧廣德元年二州隸魏博節度大歷十年滄州隸義武軍德州隸淄青平盧建中三年德州隸幽州節度旋隸

成德軍貞元元年置德棣二州都團練守捉使三年置橫海軍節度使治滄州元和四年置保信軍領德棣二州治德州

尋廢置二州團練守捉使訪鎮德棣五年廢以二州隸成德軍十三年棣州隸橫海長慶元年置德棣二州觀察使二

年廢太和元年棣州隸淄青平盧三年罷橫海軍更置齊德節度使治德州尋廢旋復更號齊滄節度使治滄州五年

賜號義昌軍五代梁乾化二年晉人避諱改號順化軍後唐同光元年復號橫海軍

博澶二州隸天雄軍 博州初隸幽州節度上元二年隸滑衛節度廣德元年隸魏博節度澶州初隸

魏博節度太和三年隸相衛澶節度旋復故魏博後賜號天雄軍五代晉於澶州置鎮寧軍博州隸永清軍

貝洛二州隸昭義軍 貝州初隸幽州節度上元二年隸滑衛節度廣德元年隸魏博節度旋隸洛相

節度洛州初隸澤潞節度廣德元年隸洛相節度洛相亦號相衛後賜號昭義軍五代晉於貝州置永清軍周降為團練

使洛州降團練又降防禦使

曹宋二州隸宣武軍 本河南節度後號宣武軍初治汴五代梁治宋州後唐改號歸德軍

徐州隸武寧軍 軍本徐泗濠節度使廢置不一後號武寧軍改號感化軍復號武寧軍

隋開皇初盡廢諸郡各縣皆直隸於州大業二年又改州為

郡唐武德初又改郡為州天寶元年又改為郡乾元元年又

改為州通典某州下皆云或曰某郡唐志州郡並載自是迄

宋州郡並通稱矣 舊五代史有稱貝州為貝郡者稱改曹州為散郡者竟不知貝為清河郡曹是改節

度為散州非改郡也

通考五代梁時滄德二州為唐所有末年博貝二州為唐所

取

宋京東東路京東西路又河北東路河北西路地

宋初削節度使權諸州皆直隸京師仍分道置採訪使後各路置安撫轉運提刑等使其轄兩路轉運者曰都轉運使若節度使第以為有功宗戚大臣加銜與唐迥異矣

宋京東路唐河南道之東半也至道三年以兗曹青鄆密齊濟沂登萊單濮濰淄十四州廣濟清平宣化三軍萊蕪監又

天府淮陽軍利國監屬京東路熙寧七年分為東西兩路以青淄濰登

萊密沂徐八州又淮陽軍為東路鄆兗齊濮曹濟單七州南京為

西路元豐元年以齊州屬東路徐州屬西路宋志誤作屬東路又詔轉運司

通治兩路之事以京東為名提刑提舉仍分路元祐元年提刑亦不分路東西遂併為一路其後仍分為兩路 南京即唐宋州宋立應天府號南京大中祥符七年自為路熙寧五年屬京東西路

河北路雍熙四年分東西兩路端拱二年併為一路熙寧六年再分兩路九域志作二年博德濱棣恩五州大名府滄州永靜軍屬東路洺州屬西路

金山東東路山東西路又大名路南京路河北西路地

金山東路宋京東路也大名路宋河北東路也又分南京自為路 山東之稱古或指關東言或指太行山東言不專指

劉豫字彥城人字考游世業遺取
豫始學進士宣和中除河北提刑金人
南侵豫棄官避亂建炎中張
愨薦知濟南府時盜起山東不
豫不親行執政惡之不許豫
急加去金人攻濟南以劉豫
徽心前念金人納款元水徒豫知
東平府冊為皇帝國號大齊
都大名府紹興中豫遷都汴
汴中太破之於藕塘金人聞敗
詰豫罪狀有廢豫意金主
先令元末德神南侵至汴宣部
主其務以備特於中圖其口

趙之行併其子編使於臨濟
封高唐郡王年六十五
侯執事金人入字軍卿明昌進士
累遷尚書右丞時紅樓賊為亂
詔執事行省於東平權本路兵
馬都總管樂定初為平章政事
封東平公致仕序汗為元兵所
殺執事為人威嚴御兵人莫敢
犯在朝敢言喜為士南渡
後守執事望最重
必關阿魯帶金復活中官昭生致
軍野度使時澄關於於世武左
阿魯帶天運元帥於於世武左
樂定中以仲左監軍兼山東路統
軍使旋攝參知政事行為善
者於金耶復立淵州且於有切
既知去淵州力是漸不於

今山東也唐末五代以來始專以齊魯為山東五代孫晟密州人江南野

史以為山東人野史又以史虛白為宋史李迥傳為濟州通

判高宗即位於南京授山東輦運使以山東名地以命官自

此始畢再遇傳建炎二年殿帥郭倪招撫京東山東按是時

之京東西路地故以金已改宋京東為山東而金之山東西路地不能盡宋

偽齊劉豫以東平府為東京 金章宗泰和六年以尙書戶

部侍郎梁鏗行六部尙書事於山東又宣宗貞祐元年置山

東西路總管府於歸德府又四年以尙書右丞侯摯行省事

於東平又興定元年以元帥左監軍必蘭阿魯帶權參知政

事行省於益都又五年置招撫司於單州是年東平陷於元

蒙古綱元史稱移行省於邳州又興定三年濟南權隸山東

西路蒙古綱傳興定三年奏曰濟南介東西兩路之間最為

路且差近於益都從之○食貨志泰和六年十一月復許諸

路各行小鈔山東西路則於東平大名府云云大名金自為

東歟再考

金分處猛安謀克於各路皆其國人猛安干夫兵志云貞元

遷都徙上京路幹論和尚胡刺三國公太保昂詹事烏里野

輔國渤魯骨定遠許烈故杲國公勃迭八猛安處之山東其

可考之名曰忒黑河猛安 蘸答謀克 移里閔幹魯渾猛

安 翁浦謀克 付毋温山謀克 劉僧安和二謀克并見兵志

山東西路蒲底山孛兀魯河謀克宗室完顏拜傳山東西路徒毋

堅猛安完顏齊傳萊州不札土河猛安徒單克寧傳東平路三屯猛安

荆王守禮傳山東西路三土猛安又益打把謀克夾谷衡傳三屯土似即三屯

東西路吾改必刺謀克完顏合達傳山東東路胡刺温猛安世宗紀

山東東路合里哥阿鄰猛安章宗紀承安五年改山東東路舊皇城猛安名曰合里哥阿鄰

○諸猛安謀克之名當皆其本國地名非山東地名也今皆未詳其地統見於此

元都省山東東西道又燕南河北道地

元制以中書省統山東河東河北之地為腹裏為道八謂之

內道凡二十九路亦稱都省元史世祖紀中統元年詔曰內立都省以總宏綱百官志行省

與都省相表裏餘志傳稱都省者甚多今山東其山東東西道燕南河北道地

也元志燕南河北道肅政廉訪司駐真定東昌東平濟寧三

路曹濮諸州皆屬焉其山東東西道宣慰司惟益都濟

南般陽三路寧海一州屬之而續通考東昌東平濟寧三路

曹濮等州皆屬山東東西道今山東境內元屬燕南河北者

惟河閒路之陵州及臨邑等數縣而已夫山東西道者東平

等路是也益都三路並無西路地宣慰廉訪二司皆兼西道

名官元時東昌路增立邱縣乃山東宣慰司入奏順帝時山

東行省守東昌是東昌路隸山東矣崔敬傳云王恪等往鄆

城招諭李秉彝田豐等皆悔過自新山東郡邑之復敬之策

居多鄆城濟寧屬是濟寧路屬山東矣或制有更改歟今姑

從續通考俟再考元史選舉志鄉試行省一十一宣慰司二河東山東直隸省部路分真定東平大都

上都又云會試中選者東平等五人山東四人是山東道與東平等雖同屬都省而仍有分別東平等蓋統東昌濟寧及各直隸州言之

元初張榮為山東行尚書省於濟南嚴實為山東西路行省

於東平李壇為山東淮南楚州行省於益都至元三年罷順

帝至正十一年設分省於濟寧路十七年置山東行省普顏不花

傳至正十九年平章山東行省守禦益都是時有又設分省

於陵州此條惟見崔敬傳百官志不載二十三年置膠東行省於萊陽縣二

十七年又以太保左丞相也速分省於山東與金之行省山

東皆一時權宜之制惟李壇在益都差久故益都沿革書之

餘統見於此州縣下不復書元初因金制設山東統軍使又改行樞密院文宗至順元年改

中下上第... 統軍 金置統軍使同管領軍馬 鑲攝 封隆 有統軍使副統軍等官

山東萬戶府為都督府順帝至正八年改山東道宣慰使司為都元帥府八年設元帥府於沂州十一年分元帥府於登州旋罷沂州帥府改立兵馬都指揮使司復分司於膠州十六年又分樞密院於沂州十八年又有山東行樞密院之設而治大都之鄒州十九年又以察罕帖木兒為山東行樞密院大抵兵與治軍無與民事若至正十六年於沂州設河南廉訪司則寄治之官與山東無涉亦附見於此州縣下不書○天子所居曰禁中出行則豹尾前亦曰禁中又稱省中漢書武五子傳江充入宮至省中壞御座掘地孔光傳不言溫室省中樹是也唐楊收謂漢制總羣官而治曰省元許衡曰中書之務不勝其煩然其大要在用人立法而已人法相維上安下順而宰執優游于廊廟之上不煩不勞此所謂省也此省字之義也或謂王莽祖名禁改稱省中考漢書嚴朱諸人傳云皇后父禁治賈捐之獄以為漏洩省中語禁即王莽非莽所改明矣後尚書省曰尚書臺晉文帝討諸葛誕鍾會裴秀以行臺隨此有行臺之始然是役也魏帝實親行晉讓帝時東海王越出鎮以行臺自隨實一時僭亂之制嗣後非大征伐不置事畢輒罷西魏廢帝時政在宇文氏猶嫌於逼上改行臺為中外府見周書王悅傳唐書百官志武德初邊要之地有行臺有大行臺其官設尚書令一人僕射二人自

左右丞以下諸司郎中略如京師劉黑闥反設山東行省於
洛州設官應輦下之半蓋其權至重也金史衛紹王紀大安
初梁鏜請置遼東行省上曰無故遣大臣徒動人心可見行
省之設本不得已之舉後因各路用兵紛紛並置元初都漢
北滅金後即因而不改亦以去和林太遠不得不然也迨徒
大都亦遂仍之元史百官志行中書省置丞相一員平章二
員左右丞各一員參知政事二員外郎二員其領以臺臣
者則曰行御史臺以外吏而同禁闡之名以平世而行亂邦
之制且地方大吏簿書填委至煩至勞於省字之義尤覺未
當明祖深知其非改爲布政司 國朝因之無如稱說口熟
甚至不曰行省直呼某省舉世沿襲而不知其非外國小
部亦分其種落而以省名之亦足晒己爲考其源流附此

明山東布政司地初設山東行省洪武九年改

明山東兼統遼東都指揮司今山東非其全境也 明初平

燕京改北平府隸山東行省見洪武實錄北平以南皆隸山

東矣後旋立北平行省

國朝山東布政司

續山東考古錄卷之一

滄州葉圭綬子佩甫述

濟南府上

歷城縣

周齊灤邑鞍邑臺邑鮑邑平陵邑又譚國後入齊譚史記齊太公世家作郟

誤路史云一作郟與郟異戰國齊歷下邑

春秋桓公十八年公會齊侯於灤杜注灤水在濟南歷城縣

西句北入濟寰宇記引作在齊州歷城縣西按灤自發源至

入濟僅十許里古灤邑疑即今治後改歷下也

又成公二年及齊師戰於鞍杜注齊地通典謂在平陰按傳

壬申次於靡笄之下癸酉陳於鞍齊師敗逐之三周華不注
鞍當在靡笄山東北且去華不注不遠縣西四里有鞍山通
志疑在平陰者遠謂當在此從之

晏子春秋景公使田無宇致臺前錄以為即漢臺縣

鮑邑故城在東三十四里寰宇記引三齊記云鮑叔牙所食
之邑又隋志歷城有鮑山

說苑桓公之平陵水經注關蘆水西北流至平陵城與武原
水合水出譚城南北逕譚城東又北逕平陵縣故城西又北
逕巨合城東合關蘆水或據此謂古平陵與漢縣是兩城余
謂二水皆逕平陵城西而合流耳而魏志平陵肥鄉皆有平

陵城或古城分隸兩縣歟

譚國故城在東八十里又名有城見水經注詩譚公惟私春秋莊

公十年齊師滅譚杜注在平陵縣西南 舊說以縣為譚國

按縣治去譚八十里齊未滅譚之前已為齊樂邑譚齊邦域

中小國西境恐不能如許大也濟南郡治東平陵實譚地迨
徙治歷城相沿不察耳

史記晉平公九年伐齊戰於靡下徐廣曰當作歷又齊王建
四十年秦兵次於歷下余謂歷靡字訛也即漢歷城縣

漢青州濟南郡治東平陵縣初為濟南郡屬齊國呂后元年屬

呂國史記齊悼惠王世家割齊濟南郡為呂王奉邑又齊舉兵
攻呂國之濟南據此知漢初已有濟南郡特不屬王朝耳

泰山城陽東海文帝元年還屬十六年分齊置濟南國景帝漢
等郡並同此在二年史記表在四年除為郡又歷城縣臺縣兗州泰山郡奉
王念孫曰當作三年高縣地魏志奉高有玉符山又西南境當有荏縣地後漢復為國永興元年為郡王
卒後熹平三年復為國魏為郡正始七年復為國任城王楷臺
縣未詳省否

東平陵縣故城在東北七十五里路史作平陸縣誤

歷城縣故城即今治西南隅水經注灤水出歷脫城縣故城

西南城南對山其水北為大明湖湖水引瀆入西郭東至歷

城西而側城西注又云湖水此歷水陂今大明湖上承東城歷祠下泉

源競發北流逕歷城東又北引水為流杯池州僚賓燕公私

多萃其上即今撫署內濯纓湖歷水分為二水右水北出左水西逕歷

城北西北為陂謂之歷水陂與灤水會自水枝津合此句似有脫文

以上下文推之當是右水支津與左水合而北也水首受歷水於歷城東東北逕東

城西而北出郭按灤水源即趵突泉寰宇記舜井在歷城縣

東百步即今南門內舜井歷水陂在縣城北觀此古縣城在

今城西南隅其四至約略可知矣但縣城之東又有東城寰

宇記四望湖在縣西二百步其水分流入縣城至街中與孝

感泉合流入州城蓋州城即東城宋初猶有兩城也歷水出

郭之處即今會波門下知今之城即古之郭東城疑西晉末

移郡時所築否則劉宋青冀二州同治時築易郭為城當在

宋金之際矣

臺縣故城在東北八十許里漢志作平臺辨誤見前錄寰宇記譚

城在縣東南一十五里臺城在縣北一十三里皆承上廢全節縣言玉海齊乘誤縣為歷城今乾隆志仍沿其誤紀要疑臺城一十三里太近妄改作三十里愈繆

晉志青州後云魏平蜀徙其豪將家於濟河北為濟岷郡據

此是濟岷郡乃魏末置非晉置也劉宋志云濟岷郡義熙中

土斷并濟南齊乘考證曰蓋以今濟南北境僑置非改濟南

為濟岷觀宋志云并不云改可見按郡治領縣皆無考故不

書晉書載記趙王虎八年晉濟岷太守劉闔叛害下邳內史夏侯嘉以下邳降蓋青州沒後又僑置於下邳者

晉青州濟南郡治東平陵縣泰始元年濟南復為國咸寧三年

復為郡

王耽徙對中山後以濟南郡益齊國旋復故

又歷城縣永嘉末移郡治歷城

又兖州泰山郡奉高縣地

晉志濟南郡領平壽下密膠東即墨祝阿五縣考魏志平陵

歷城著三縣並云晉屬濟南元和志濟南郡晉永嘉亂後移

理歷城若鄒平於陵菅潔陰四縣皆晉濟南所有魏志平壽

下密膠東並云晉屬齊即墨晉屬長廣蓋志脫去東平陵等

縣誤將齊屬錯出於此也長廣郡本漢末置後罷晉武復卽墨魏已屬長廣疑晉初長廣未置

之前曾屬齊國齊乘不察謂晉濟南治平壽改漢之濟南為濟岷非

是補東晉志知晉志脫誤據魏志等補入東平陵等縣最當其補十六國志有與所補東晉志同者有仍晉志之誤者

殊不魏志平陵二漢晉曰東平陵後改元和志宋省東字

後魏為東陵寰宇記後魏又加東字皆不合考杜預已稱平陵或晉已省東字也

劉宋青州濟南郡治歷城縣劉宋志作廣城筆誤孝建二年移州來治大

明八年還治臨淄之東陽城又平陵縣兗州泰山郡奉高縣地

元嘉九年僑置冀州及魏郡於歷城又僑置聊城縣肥鄉縣又

臨邑縣地魏志東魏郡臨邑有鵲山在今縣北十五里未詳何代析入縣後魏皇興三年改僑

冀州為齊州僑魏郡曰東魏郡孝昌三年移郡治故臺城

後魏平陵縣故城在東北七十里今城子莊疑劉宋徙也

魏志東魏郡聊城有臺城管城蓋於漢臺管兩縣地置縣治

未詳在縣或章邱姑係此俟考

又肥鄉有平陵城巨合城今龍山鎮一統志肥鄉在歷城東

紀要臺縣晉省劉宋復置為東魏郡治後魏因之魏志東魏

郡治臺城後遷歷城是也又引寰宇記後魏孝昌三年濟南

郡移治臺縣齊天保中始遷歷城按此大繆劉宋並未復置

臺縣宋魏時臺城自為聊城地通典聊城有臺城又混僑縣於實土魏移東魏

郡治故臺城魏志云東魏郡治歷城後徙臺城非自臺城徙

歷城也寰宇記引三齊記曰高唐縣西南四十里有臺城其

間空廢此句下非三齊記語至魏孝昌三年馬日珍移郡入焉齊天保

七年改為濟南郡還入歷城按魏孝昌三年移東魏郡治臺

城非移濟南郡齊并東魏郡入濟南郡非改濟南郡如移臺

城為濟南郡何又云齊改名濟南耶樂氏本未明了顧氏愈重其繆

高齊齊州治濟南郡治歷城縣又平陵縣及衛國縣地天保七年廢東魏郡入濟南廢聊城入平陵廢肥鄉入衛國宇文周省

平陵縣齊奉高南徙今歷城南境齊周當與隋同大象元年以郡為陳國

隋齊州治歷城縣及章邱縣地亭山縣地即衛國改開皇初廢濟南

郡十六年置營城縣大業二年改齊州為齊郡省營城入章邱

省山荏縣入歷城又兗州博城縣地今縣志不能確指據水經

注為玉符水所經水即縣南三錦川也在縣境無疑齊乘疑為方山又疑為長清之靈岩山方山近是未詳何代析入歷城

營城縣故城在東三十里元和志歷城縣引述征記曰歷城

到營城三十里寰宇記歷城縣引三齊記云歷城縣東四十

里有營城其又稱在縣西二十七里者亦蒙廢全節縣為文也乾隆志稱在歷城縣西三十里誤按述

征記三齊記二書皆在隋前營城之名已久劉宋起居注平

原郡徐爰國史州郡志南東平郡皆有營城縣漢書功臣侯

表趙充國封營平侯下有濟南字又王子侯表齊悼惠王子

營平侯信史記表無平字舊說謂即此營城蓋本鄉亭侯城

劉宋名僑縣隋因置縣也前錄謂隋唐皆置營城縣而唐志

訛作營余按隋志亦作營似非訛字紀要亦以營城為營城

而反疑述征記為誤今不從

唐河南道齊州濟南郡治歷城縣武德元年改齊郡為州二年於後

魏平陵城復置平陵縣并置譚州又復營城縣八年廢營城入

平陵貞觀元年譚州廢來屬十七年改平陵為全節天寶元年

改齊州為臨淄郡五載復名濟南郡乾元元年又改齊州元和

十年廢全節入歷城五代因之唐復置山荏詳長清○唐省亭山入章邱巨合平陵城入縣境

寰宇記廢全節縣漢為東平陵縣地理志云在今縣東南平

陵城是也是唐於後魏平陵城置縣非漢城也元和志全節

縣本是隋末土人李滿一作蒲率鄉人據堡武德二年歸國蓋

周省平陵李滿保聚於其故城耳 齊乘歷城縣隋唐州郡

並理東平陵後改全節元和後省全節入歷城始為郡治焉

又云東平陵城歷代皆為縣宇文周始廢隋亂土豪李蒲據

城歸唐武德二年置譚州平陵縣又云此城漢為王都唐為

州治按唐全節並非東平陵城晉永嘉後郡移歷城迄隋唐

並未復治平陵安得謂唐為郡治全節廢始移歷城乎蓋于

氏誤於晉改濟南為濟岷郡遂以濟南郡治歷城加之唐廢

全節後舛繆極矣 續通考唐省平陵入歷城按省時名全

節

宋京東東路濟南府濟南郡興德軍節度治歷城縣治平二年

賜軍號政和六年升府

金山東東西路提刑司治山東東路濟南府治歷城縣

元都省山東東西道廉訪司治濟南府治歷城縣宣慰司初治

陽邱縣故城在西北七里又名章邱城見水經注今回軍鎮寰宇

記稱在縣南十里其時縣治黃巾固也紀要在今縣南十里大謬

土鼓縣故城在東南二十里今明水鎮東

舊唐志以臨濟為漢管縣通典以為漢朝陽考朝陽城不在

此詳齊東水經注濟水逕管縣故城南在臺縣後納百脈水前

元和志臨濟縣濟水在南二十里今臨濟鎮在臺城東繡江

西即百脈水禹貢錐指以為即管城說自可從縣志謂即縣北三

十里管家廟其地在百脈水東疑非是 紀要引述征記歷

城到管城三十里而疑其誤不知述征記所載乃營城非管

城 通志管城在臨濟鎮北無據 寰宇記臨濟本漢管縣

地引晉地志云管叔後又封於此城齊滅管故其子孫仕齊

按兩漢志皆作管應劭音姦史記惠景侯者表作管管晏列

傳管仲子孫世祿於齊有封邑者十餘世仲有大功於齊食

邑穀之外又有駢非一邑可知仲與叔牙為貧賤交此地近

鮑城則謂管叔後復封未必然或為管仲故居未可知也

蘇林曰東朝陽有獠亭應劭音麓蘇林音艾蔡謨音由師古曰蔡音是今縣西北十

五里有古城縣志以為古獠城北去朝陽城不遠姑從之

後漢青州濟南郡土鼓縣管縣又東平陵縣地東朝陽縣地魏

因之晉省土鼓縣

魏志土鼓晉罷知魏未罷也晉太康志有管縣不獨知晉有

魏亦有也補三國志魏無土鼓補東晉志無營縣而附見太

康志說於後皆未合三國志司馬芝傳魏太祖平荊州以芝為管長即營也洪氏漏引

劉宋僑冀州平原郡高唐縣廣宗縣魏郡博平縣蠡吾縣頓邱

縣及聊城縣地有管城肥鄉縣地本平陵東境又頓邱郡頓邱縣衛國

縣又青州濟南郡土鼓縣地縣治移今淄川境魏志土鼓有龍盤山平陵

縣地魏志平陵有章邱城洛盤城朝陽縣地

後魏齊州東平原郡高唐縣廣宗縣東魏郡博平縣蠡吾縣頓

邱縣衛國縣及聊城縣地濟南郡土鼓縣地平陵縣地朝陽縣

地 劉宋僑高唐縣故城在西北二十里古黃巾固城今水寨寰

宇記章邱縣即古黃巾城水經注百脈水逕陽邱城中西北

出逕黃巾固蓋賊所屯故因得名元和志章邱縣高齊天保

七年自高唐故城移高唐縣理於此按宋伏琛三齊記稱高

唐縣西南四十里有臺城即漢臺縣城則宋魏僑高唐縣已治此

高齊移禹城境內之高唐於今高唐州東南之莒城李氏混

實土徙治於僑縣繆矣續通典齊州章邱縣古高唐春秋

戰國之時為齊邑故城在廢禹城西四十里按既知故城所

在章邱縣何須牽入 齊乘以黃巾城立章邱縣誤

僑廣宗縣故城在東南四十里文祖鎮北俗曰陰城魏志廣

宗有平郭城有胡山胡山在東南四十許里又縣東南十

里

里孤山南有古城址卽平郭城

僑博平縣故城在東南三十里今博平鎮魏志博平有土鼓

城逢陵城長白山蓋漢土鼓於陵兩縣地

魏志蠡吾有龍山縣治未詳

歷城志亦載之

縣西南五十里雞山西有東西南三村皆名頓邱俗訛頓首

莊蓋劉宋兩縣治一郡治後魏併作一縣也

僑衛國縣故城在西南五十里

雞山園東

魏志衛國有雞山元和

志亭山縣西北至州九十里宋於此置衛國縣開皇六年改

爲亭山縣東南有亭山因以爲名寰宇記章邱縣平陵王墓

在縣東北二里墓在危山之頂又云雞山在縣西十里晏謨

齊記曰衛國縣西有雞山按危山在縣西南四十里雞山在

縣西南五十里樂氏所載皆亭山縣未省前地志原文所謂

縣指亭山非指章邱觀所引晏記可證然則衛國城在危山

西南二里雞山東十里今縣西南四十里也一紀要宋置衛

國縣後魏廢北齊復豈未見魏志耶

高齊齊州東平原郡高唐縣濟南郡衛國縣天保七年省土鼓

肥鄉入之又平陵縣地周因之

周無平陵縣

隋齊州章邱縣亭山縣臨濟縣開皇六年改衛國爲亭山又置

朝陽縣十六年

元和志作十八年

改高唐爲章邱又改朝陽爲臨濟大

業二年省營城縣入章邱

隋臨濟縣故城在西北六十里今臨濟鎮

唐河南道齊州章邱縣臨濟縣武德元年於臨濟縣置鄒州

章邱亭山屬譚州八年廢鄒州臨濟屬譚州貞觀元年三縣來

屬元和十五年省亭山入章邱唐復營城省入平陵 唐省營

歷城則營城全節及譚州廢置皆當係歷城下舊唐志歷城下

唯載全節其營城譚州皆係章邱下新唐志歷城下概不之及

似未當 縣東南境當 五代因之

唐書房元齡齊州臨淄人後封臨淄郡公按唐初無臨淄郡

臨淄縣亦不屬齊州通志以為元齡本章邱人後又徙臨淄

然則當云青州臨淄何得繫之齊州且安所得臨淄郡乎今

考章邱西少南三十里趙山下有元齡父房彥謙墓其地北

去隋臨濟縣故城不遠隋無平陵縣趙山當即臨濟地或居

在臨濟稍南葬於亭山地皆未可知而元齡為齊州臨濟人

傳寫訛作臨淄則無可疑也唐初盡改郡為州而封爵則必

稱郡公不稱州公臨濟縣為鄒州治遂以縣名名郡以封元

齡前史臨濟臨淄往往互訛近志青州人物亦載元齡未之

考也 元齡先本清河人彥謙為濟南郡臨濟人元齡入唐

為鄒州臨濟人武德八年為譚州臨濟人貞觀三年為齊州

臨濟人宋時臨濟始省入章邱志稱元齡為章邱人亦非是

宋京東東路濟南府濟南郡章邱縣咸平四年省臨濟入之為

鎮景德三年置清平軍縣屬之熙寧三年以縣兼軍使仍來屬

清平軍故城在北十五里今舊軍鎮齊乘章邱縣宋景德三年移縣北置清平軍縣屬焉熙寧三年復移軍使於縣城金廢軍縣屬濟南按據此似縣移軍城後復還縣城者考宋志熙寧三年清平軍廢卽縣治置軍使似軍與縣初非一城也且軍使不專設以縣令兼之亦不得云移軍使於縣城宋志逕云軍廢亦稍誤宋縣已還屬濟南非金改屬特軍號金始廢耳續通考濟南無章邱縣蓋宋舊地志章邱自屬清平軍因此脫載

金山東東路濟南府章邱縣

元都省山東濟南府章邱縣

元章邱縣卽今治齊乘歷城縣沿革引述征記云歷城到營城三十里自城以東水瀾漫數十里間南則迫險實爲險固以上皆元和志引述征記語逮金亂土人因阻水立邑號曰水寨歸附後移置今縣按營城無水寨之名歷城無治營城元初移今縣之事章邱縣北二十里有水寨卽古黃巾城元和志章邱縣東陵山在縣南二十八里寰宇記女郎山在縣南陽邱城在縣南十里水寨與此無不吻合是土人因亂自保其邑元初徙今縣皆章邱縣事于氏因述征記營城有水瀾漫數十里之說遂牽混於水寨之名而誤係之歷城耳不然歷城爲金元以來府路司省倚郭大邑如曾保營城元初還故治豈諸

史諸志無一語及之乎 通鑑胡注黃巾固在章邱縣北胡身之元初人又于氏稱清平軍在縣北縣爲元初所徙無疑明山東布政司濟南府章邱縣

國朝因之

縣志道光十三年修以今治爲齊所徙之高唐而力駁徙

知縣吳璋

黃巾固之說考東陵山在今治南十里女郎山在城北陽邱城在今治西北七里核以元和志寰宇記所載則舊治在黃巾固尙待問哉 舊唐書地理志歷城注云舊志有平陵縣非也自元魏以平陵入肥鄉北齊又以肥鄉入衛國又以衛國入亭山皆在章邱地至唐以李義滿來降始

復置平陵後改全節又省入歷城自此之後章邱始無平陵歷城舊志安有平陵哉按此論繆極魏志肥鄉有平陵城乃析平陵東半置其時自有平陵縣何嘗省入肥鄉繆一亭山卽衛國乃云衛國入亭山繆二周省平陵唐復置舊志有平陵此未改全節前舊地志並非歷城舊志繆三夫宋魏以前東平陵與陽邱等縣並置析置肥鄉爲肥鄉地省入衛國改亭山爲衛國亭山地其西半自漢至齊自爲平陵縣惟周隋之世隸何縣無考唐初又自爲縣後并入歷城但因亭山故城在章邱遂謂歷城無平陵地夫唐以前歷城固無平陵地唐以後平陵城卻在歷城若章邱

第有平陵東境平陵城從未屬之謂唐以前為章邱地可乎 水經注武原水又北逕東平陵故城西濟南治也漢文帝十六年置為王國景帝二年為郡其水又北逕巨合城東漢武帝以封成陽頃王子劉發于為侯國齊乘云東平陵府東七十五里文帝時齊悼惠王子辟光為濟南王都此此承寰宇記之誤寰宇記齊州下云文帝分齊郡立濟南國今州即濟南國之歷城縣理所景帝三年為濟南郡理東平陵屬青州晉永嘉末自東平陵移理歷城今州理是也 此全本按志 漢書王子侯表鉅合侯劉發在平原頃王子二十二人表止十九人無封平陵者劉發于並無

此名見史記索隱又考史漢表中並無文帝十六年以東平陵置為王國語辟光封濟南王亦無都平陵語寰宇記所云理東平陵在景帝二年辟光以反誅改郡之後是濟南國不得謂之東平陵國水經注齊乘語未核余按此直句讀不知而強作解事者水經注置王國句上承濟南郡治來仍立濟南王國非平陵王國也寰宇記東平陵句雙承上文立國改郡來今州云云乃謂今州理即濟南郡所屬之歷城縣理非謂國本治歷城改郡後始移治東平陵也鄭注劉發于為侯國乃指巨合城何嘗謂封東平陵乎于字偶衍不足為疑文帝十六年云云載在班書地志謂

史漢無其文可乎巨合城即今龍山鎮表下駁酈樂于三

家而三家並無一誤所駁語反無一不誤注平原別有義例詳雜考北齊承元魏

之後所得者元魏之疆域宋之衛國在江左土鼓肥鄉在

齊郡相距數千里無從併入隋書亭山舊曰衛國以魏為

舊非以宋為舊也余按此竟不知青州於東晉末復入江

左盍觀宋志

鄒平縣

古鄒國周齊鄒邑

水經注漯水逕鄒平縣故城北古一本鄒侯國舜後姚姓

晏子春秋景公為鄒之長塗縣志謂漢鄒平梁鄒東鄒三縣

地皆是從之

漢青州濟南郡鄒平縣梁鄒縣干乘郡東鄒縣東南當有於陵縣地

鄒平縣故城在北四十里今孫家鎮九域志鄒平有孫家鎮蓋景德徙治後改也

漢志作鄒辨誤詳前錄

梁鄒縣故城在東北二十里今舊口鎮

東鄒縣故城在東北六十里今花溝鎮

後漢青州濟南郡鄒平縣梁鄒縣魏梁鄒未詳何屬晉咸寧初

梁鄒屬樂安國

晉志無鄒平梁鄒二縣二縣實晉所有考詳前錄補三國

志樂安有鄒縣自注即漢東鄒蓋晉志樂安有鄒縣也齊乘

考證云晉時縣名多沿漢舊按何曾傳曾孫機為鄒平令解
系傳父修封梁鄒侯是有鄒平梁鄒矣宋書亦言晉太康六
年三月樂安梁鄒等入縣隕霜傷桑麥不知何故晉書地理
志樂安國下單書一鄒字此史文之闕而齊乘謂晉省梁鄒
入鄒縣晉以前此地本無鄒縣而何從入之乎余按晉書安
平王鑒傳咸寧初以齊之梁鄒益封樂安國則地理志樂安
之鄒即梁鄒疑魏改屬齊也東鄒後漢省洪氏殊失考

劉宋僑冀州平原郡治梁鄒故城當為平原僑縣地又樂安郡臨濟縣

地魏志臨濟有鄒平城幽州會僑置於平原郡

魏志東平原郡劉裕置魏因之治梁鄒按宋魏皆無梁鄒縣

當云治梁鄒城 宋明帝泰始三年幽州刺史劉休賓守梁

鄒蓋是時沈文秀刺青州崔道固刺冀州假幽州以為號非

又僑立幽州於此也南齊書王元載傳宋泰始初遷清河廣

平當作二郡太守幽州刺史同此

後魏齊州東平原郡治梁鄒故城當亦為平原僑縣地又平原縣及臨濟

縣地

後魏僑平原縣故城在東十二里今平原莊魏志平原有黃

山在今城東南

高齊齊州東平原郡平原縣天保七年移郡治於廣川郡城詳長

山因移縣治於梁鄒故城周因之

寰宇記高齊天保七年自今長山界內濟南故城移平原縣於今理東南三十五里之漢梁鄒故城三十五字為一句今理指孫鎮按平

原莊唐宋屬長山也特隋始於此置濟南縣北齊時無此稱通典括地志皆誤以此城為濟南郡城樂氏誤因此通典又

稱此城在長山西北據元和志知唐人誤謂隋濟南縣置於梁鄒城也

隋齊州郡鄒平縣又長山縣地開皇十六年置濟南縣於後魏平原縣城十八年改平原為鄒平省濟南縣入長山

隋鄒平縣即漢鄒平城開皇三年徙平原縣於此十八年改唐河南道淄川州郡鄒平縣及長山縣地高苑縣地武德元年屬

鄒州八年屬譚州貞觀元年來屬景龍元年於梁鄒城置濟陽縣同屬元和十年省入高苑五代因之

武德二年至七年鄒平縣故城在西北里漢鄒平城西南十五里又名趙臺城今稱步王臺 八年還治漢鄒平城 通鑑胡

注漢梁鄒城在唐齊州臨濟縣界按此因唐高苑為後漢以來臨濟縣地不知唐臨濟非故地也 齊乘廢濟陽城在高

苑縣北九十餘里此本寰宇記在州北九十四里誤淄州為高苑縣據元和志濟陽縣東南至州六十四里寰宇記方向

里數皆未核齊乘考證以為即今縣治則沿禹貢錐指之誤宋京東東路淄川州郡鄒平縣又長山縣地高苑縣地

宋鄒平縣於景德元年徙漢梁鄒城

金山東東路淄州鄒平縣

金鄒平縣即今治金翰林學士邑人劉仲元上書堂記云傍鄒皆山也黃山峙其東聖王諸峯委會於其西與今形勢合是金已徙今治通志云宋宣和末金人要宋伐遼徽欽命民間修築自為保障乃移今治備考

元都省山東濟南路鄒平縣

明山東布政司濟南府鄒平縣

國朝因之

縣志道光十六年修 知縣羅宗瀛 方域考晉鄒平屬樂安郡此以晉志

樂安鄒為鄒平也非是 宋梁鄒升為郡則郡之所隸即

梁鄒疆域所屆按此殊否平原高二縣漢高苑地廣宗漢土鼓地安得皆在梁鄒域內乎 古蹟魏臨濟無考按此

臨濟在今齊東 引水經注誤以蓋野溝水所逕作時水支津所逕

長山縣

周齊夫子邑戰國於陵邑

夫子邑在西南三十里今夫村春秋昭公十年左傳陳桓子召子周而與之夫子杜注濟南於陵縣西北有于亭 孟子陳仲子居於於陵按即漢縣 路史於陵商侯國

漢青州濟南郡於陵縣千乘郡高苑縣 西北當有梁鄒縣地

於陵縣故城在南二十里今古城

高苑縣故城在北二十里今宛城店又名西高苑城 互詳新城

後漢青州濟南郡於陵縣樂安國高苑縣魏晉因之東晉義熙

中僑置廣川郡並置廣川縣為郡治

晉志無於陵誤 詳歷城 紀要於陵晉改曰烏陵旋廢按據杜預

云云 見上 及寰宇記長山縣自漢至晉恆為於陵縣地之說是

晉未改名亦未廢也劉宋永初時猶有於陵非晉廢矣顧氏

意東晉僑置廣川郡縣於此故云然耳烏知非並置乎

僑廣川縣故城即今縣治 詳下

劉宋青州濟南郡逢陵縣僑冀州廣川郡治武強縣宋分廣川

縣置武強縣又省廣川入之郡治如故又平原郡平原縣鬲縣

魏郡安陽縣魏縣

僑武強縣故城在東十五里今故縣村 俗訛通志云廣川郡固懸

城在縣東十五里宋宣和末移今治縣志則據元至正十二

年牛學重修城記云長山城其始築之世獨有縣廨壁刻云

東晉劉裕以為武強鎮 武強未立鎮當云廣川郡 至北齊置東平原縣 當

郡及隋改立今名唐宋五代宋金以至於今皆因之又云宣

和之末金人要宋伐遼土宇崩蕩民間相率築堡修城金長

夏區歲久城壞屬我朝興朔徼也中土大震至煩再築據此

續山東通志 卷之二
則自隋以來長山城卽今治金人再築非宋人徙築也余按
兩說互異而是非各半考寰宇記云宋武帝僑立廣川郡又
於郡理立武強縣高齊天保七年改爲平原郡隋開皇三年
郡廢乃移武強縣於廢郡城中夫旣云於郡理立縣則縣治
卽在郡城又云廢郡始移縣於郡城則郡城外當別有縣城
唐房彥謙碑有云宋於東廣川郡別立武強縣別立者別乎
郡城而立縣也通志謂卽故縣村是也但以爲廣川郡城則
非此縣爲宋所立之武強則晉末所立之廣川縣不在此城
縣志謂卽今治亦是也但以爲武強縣則非蓋宋初本分廣
川別立武強縣旋省廣川入之而郡治如故隋廢郡始移縣

入焉樂氏謂於郡治置縣定有所本但誤以爲武強故不載
省廣川入武強事以致自相矛盾然非此文及房公碑直無
從考其建置移徙之實矣

逢陵當是宋初分於陵置永初郡國二縣並有可證魏志逢
陵有於陵城蓋永初後并入而博平下又有逢陵城或古城
歟抑宋縣歟考寰宇記淄川縣逢陵故城在縣_闕四十里左
傳云齊大夫逢丑父與君易位此爲丑父之邑此或卽博平
所有當在淄川西北也或曰卽宋魏逢陵縣治俟再考 紀
要引魏志逢陵治於陵城與汲古閣本不同齊乘引水經注
楊緒溝水出於陵西南作出逢陵西南未知所見何本

魏志鬲縣有平原城則劉宋縣矣亦古高苑地

後魏青州濟南郡逢陵縣齊州廣川郡治武強縣郡治東平原同宋

郡鬲縣東魏郡東魏縣安陽縣

魏志鬲縣有高苑城鄒平志云鬲即治漢高苑城高苑本有

東西二城也

又東魏縣有獐山出錫有蒼浪溝時水按蒼浪溝今鄭黃溝

時水是時支津今縣東北烏河

又安陽縣有魚子溝即今縣南泔溝

縣南接淄川有高唐莊或宋初所置後又移黃巾固城歟再

考

高齊齊州東平原郡治武強縣天保七年廢廣川郡移東平原

來治仍治故郡城周因之

寰宇記齊天保七年改廣川郡為平原郡隋志長山舊曰武

彊置廣川郡併東清河平原二郡改曰東平原郡通鑑胡注

清河郡置於盤陽據魏志宋郡也五代志長山之平原清河

雙頭郡也或據此謂武強並置清河平原二郡故名雙頭如

并三郡為一東平原郡何以稱雙頭郡乎余謂雙頭二郡共

一太守耳

隋齊州長山縣開皇三年廢東平原郡十八年改武強為今名

大業初省濟南縣入之見鄒平

續山東考古錄

卷之一

長山縣

三

長山縣卽廢郡城開皇三年廢郡移縣治之詳前

唐河南道淄川郡長山縣武德元年屬鄒州八年屬五代因之

宋京東東路淄川郡長山縣

今治非宋宣和徙固已或據九域志長山在州北五十五里謂縣猶治故縣村則宣和徙治未必竟非但元和志作六十四里寰宇記作六十二里是唐及宋初又與今略同則古今計里大小不同稱說各異耳不足為疑

金山東東路淄州長山縣

元都省山東般陽路長山縣至元十九年析置新城縣

元志長山下云本屬濟南考長山本淄州屬元初淄州曾隸

濟南長山隨州屬之耳

明山東布政司濟南府長山縣

國朝因之

縣志嘉慶六年修古蹟既以廣川郡城為今治於陵城條

又以為宋移今治且係於於陵城尤繆 濟南縣城在西

三十五里舊口東此沿元和志之誤以梁鄒城為隋濟南縣城也

續山東考古錄卷之二

滄州葉圭綬子佩甫述

濟南府中

淄川縣

周齊昌國邑

史記樂毅封昌國君按卽漢縣

漢青州濟南郡般陽縣齊郡昌國縣

般陽縣卽今縣治 寰宇記淄州在漢爲濟南郡之般陽縣

屬濟南樂安二國 前漢千乘非國濟南非國 尋又置臨菑國於

此迄今一名臨淄城一名齊城校勘云般陽前漢屬濟南郡

後漢屬齊國今但以般陽一縣言之則當云漢為濟南郡之般陽後漢屬齊國其曰屬樂安濟南二國者誤也若槩州境而言兼有漢濟南之般陽太山之萊蕪之地今之高苑兼有漢千乘郡樂安國之地又不當云屬樂安濟南二國也又云置臨淄國於此當云置齊國於此余按州郡沿革有槩全境言者有指治所言者在漢為般陽指治所也唐宋淄州本兼有前漢濟南千乘太山三郡地樂氏據所得多者言故第云濟南樂安然此實本於通典通典云淄川漢屬濟南樂安二國之地又屬淄川國按唐淄州無漢淄川國地杜氏因縣名而混入之樂氏似知其誤而改作臨淄愈繆至校勘亦不知

臨淄不在此且誤以千乘樂安為兩地

昌國縣故城在東北四十里又稱昌城

後漢青州齊國般陽縣昌國縣魏景初三年置新沓縣晉因之

寰宇記淄川縣故反蹤城齊記云齊景公失馬尋蹤遂失於

此故有反蹤城又輿地記云魏明帝景初三年以遼東新沓

縣當作沓氏縣三國志作東沓亦誤吏民渡海來去還有脫於此置新沓縣

以居之屬齊郡也按此城無方向里數縣志疑即東北二十

里羅家莊西南之故城備考據三國志立此縣於齊郡故縱城水經注延鄉俗曰從城或在

彼也晉志齊國無般陽縣劉宋志魏志般陽下並云晉太康地志

屬齊則晉志亦脫載耳寰宇記以為晉省似未核

晉書山濤傳魏咸熙初封新沓子晉泰始初進新沓伯薨賜新沓伯蜜印子該嗣爵是西晉終有此縣矣

劉宋青州濟南郡土鼓縣僑冀州清河郡治貝邱縣移般陽於今臨朐境又武城縣繹幕縣郟縣移昌國於臨朐城後魏清河郡加東字屬青州

劉宋土鼓縣故城在西南四十里今鼓城村據魏志漢土鼓城析入博平此城西去漢治不遠為宋移治無疑

舊說宋魏貝邱即漢般陽城據隋志淄川下舊曰貝邱置東清河郡之文也但宋魏此郡皆首清河晉清河郡治清河僑

縣似當仿其制魏志此貝邱有萊蕪城是僑置於萊蕪地如治般陽而兼有萊蕪城不惟僑縣無如許大且其東則郟縣其西則土鼓繹幕其北則武城不知清河僑置何地余疑宋魏清河僑縣仍倚郡郭高齊省併諸僑縣始移貝邱入今治耳姑從舊說俟再考

魏志武城有昌國城縣治當在東北

又繹幕有隴水縣治當在西或曰在今博山詳博山

又郟縣有涇于髡墓今在益都西境縣東南 里有城子

莊疑郟縣治備考

齊乘般陽路元魏高齊為東清河郡按置郡者宋漏書於前

廢郡者齊誤出於後通志云後魏置東清河郡按劉宋置後魏有實土故此加東以爲別非魏置

高齊齊州東平原郡貝邱縣天保七年併郡入東平原郡省土鼓入衛國周因之

隋志後齊廢東清河郡 齊書崔劭傳南平原貝邱人即東平原郡

隋齊州淄川縣開皇十六年於貝邱置淄州十八年改縣爲今名大業二年州廢來屬又亭山縣地

隋志亭山有儒山今在鼓城村南五里亭山即衛國改未詳何時析入縣境

唐河南道淄川郡 州治淄川縣武德元年復置淄州又置長白縣

六年省入淄川天寶元年改淄州爲淄川郡乾元元年復稱淄州五代因之

長白縣故城未詳所在

宋京東東路淄川郡 州軍事治淄川縣

金山東東路淄州治淄川縣

元都省山東般陽路治淄川縣淄州初屬濟南路中統五年升淄州路至元二年改淄萊路二十四年又改

齊乘般陽路禹貢青州之域萊夷作牧之地按路統登萊

二州 登萊與路治中隔益都路不接壤 故于氏云然本路所屬淄川新城長

山蒲臺四縣不得以萊夷槩之也

明山東布政司濟南府淄川縣初改般陽路為府升淄川縣為淄川州又改淄州般陽府尋廢州降為淄川縣來屬

明志太祖吳元年改般陽路為淄川州二年七月州廢來屬

紀要改州在洪武九年廢州在十二年未知孰是按明州皆屬府州廢而縣始屬濟

南府未廢州之前州何屬耶縣志洪武九年改為般陽府淄

川州又改淄州是明初州屬般陽府也又云十二年改淄州

為淄川縣是升縣為州無倚郭縣明初諸州皆如此

國朝因之

縣志乾隆四十一年修沿革劉宋仍為般陽縣其古蹟志

不知劉宋般陽昌國皆徙臨朐反斥隋唐正史之誤 狼

山一名邱山高齊以貝邱名縣蓋取諸此繆極

新城縣

周齊渠邱邑近志以縣為齊桓公繫馬臺未知所本

春秋昭公十一年楚申無宇曰齊渠邱實殺無知杜注渠邱

今西安縣也齊大夫雍廩邑在莊九年後漢志西安有蘧邱里

漢青州齊郡西安縣千乘郡平安縣延鄉縣又高宛縣地東城在境

西安縣故城在東四十里今索鎮亦在臨淄西三十里近志係彼據元志係此

平安縣故城在東北四十里今會城水經注濟水東北迤為

淵渚謂之平州濕沃側有平安縣故城俗謂之會城非也應

劭曰博昌縣西南三十里有安平亭故縣也此平安字倒耳若淄水所逕之

東安平城在臨淄東禹貢世尚存平州之名矣按邑人王象

功春遊記以此為春秋之平州非是詳萊水上可居謂之州

俗名會城因平州字而附會者酈氏非之最當

水經注蓋野溝水導源延鄉城東平地出泉西北逕延鄉城

北世人謂故城為從城西北流逕高苑縣北逕其北境注時

水王象功曰牟莊東北有古城拍浮水面漢封李璋之延鄉

城也姑從備考齊乘稱延鄉城在樂安西北謂之會城顯

與酈注不合又云博昌古城西對古城即延鄉城考證云前

言在樂安西北則處博昌之東矣此又云云皆臆度也按于

氏誤以會城為延鄉城故又云然

高苑東城在東十二里今格孫城又名箕遊城水經注時水

於西安縣西分為二水枝津西流會德會水今德會水又西

逕東高苑城中而西注俗人過令側城南注又屈逕其城南

又北注故瀆又西蓋野溝水注之又西逕西高苑縣故城南

漢高帝六年封丙倩為侯國據此東城在西安城西高苑城

之間時水支津之北也此城介索鎮苑城店之間時支雖枯

縣南烏河猶有故渠自西安分支而西此城乃所必逕即高

苑東城無疑特格孫箕遊之名所未詳耳或曰劉宋僑高縣

音訛孫似縣形訛或本置於東高苑城也備考酈氏沿徐

廣之誤以此城為高密國都辨詳高密又西城曰縣此城不

日縣故漢高苑縣係長山而此加地字但高苑究治何城古

無明文元和志高苑縣隋取東南高苑故城為名正指此城

續山東考百金 卷之二
未敢謂縣治必在西城
也故此城不入雜考

後漢青州齊國西安縣樂安國高苑縣地博昌縣地據應劭語平安省入

魏晉因之

劉宋僑冀州廣川郡索盧縣移西安於今臨朐境又樂陵郡潔

沃縣當有鬲縣地或平原縣地長樂縣地或曰鬲縣治在境詳前

後魏齊州東清河郡索盧縣青州樂陵郡潔沃縣

僑索盧縣即漢西安城故今有索鎮之名

僑潔沃縣治在東北魏志滄州樂陵郡潔沃下有延鄉城按

劉宋於千乘故地僑置樂陵郡則後魏青州樂陵之潔沃有

延鄉城其宜也若滄州潔沃在今高苑北千乘故城西北五

十里大河之北安能越渤海樂陵諸僑郡及黃河潔濟而有

延鄉城耶况宋魏以河為界魏未得青州之前宋自有潔沃

僑縣其不能并為一地尤明甚水經注亦稱平安城在潔沃

側其地與滄州潔沃相去頗遠則亦指青州潔沃可知延鄉

城與平安城卻相近此似青州潔沃下注文并出於滄州潔

沃下耳今姑妄據瞽論書之仍俟考

高齊周武強縣地長樂縣地隋唐五代宋金長山縣地武強高

苑縣地長樂臨淄縣地舊隸

元都省山東般陽路新城縣至元十九年置

新城縣即今治元志新城本長山驛臺太宗在潛以人民完

齊乘元丁巳年行

聚創置新城曰新城以田索二鎮屬焉

長山縣廢入高苑治所疑在縣境

明山東布政司濟南府新城縣洪武七年省尋復

國朝因之

縣志康熙二十三年修沿革漢為於陵高苑二縣地屬濟

南郡按漢於陵北境不及此不得以後代長山例之也既

知有高苑地不得但云屬濟南郡古蹟有平安延鄉二城

此不當祇稱於陵高苑地 劉宋武強長樂二縣地按劉

宋平原高縣皆在高苑武強境未必及此

脫魏齊 周三代

齊河縣

周齊轅邑當有古祝國地 齊祝阿邑地

春秋哀公十年晉趙鞅伐齊取犁及轅杜注祝阿縣西有轅

城水經注引作西北按即漢瑗縣

漢青州平原郡瑗縣龍頷縣又祝阿縣地高唐縣地後漢魏晉

劉宋祝阿縣地高唐縣地

瑗縣故城在西北二十五里今晏城今齊河有 晏城鎮水經注潔水

逕瑗縣故城西又逕高唐縣故城東又字下無東北字是瑗

縣之西即高唐之東瑗城在高唐東也高唐故城在縣西北

六十里晏城在其東寰宇記以為晏嬰城殊無依據晏即瑗

音轉耳晉人取犁及轅二邑當相鄰接犁邑在今濟陽西南

齊河縣

齊河縣

十里與此城相近且在祝阿西北即瑗縣故城無疑寰宇記稱在禹城南百里潔不能逕其西且在祝阿故城西南或據潔水逕瑗西在高唐前謂瑗城在高唐故城西南是不明水經注書法且非晉時祝阿地矣

龍頡縣故城在

里寰宇記龍頡故城在廢禹城東南

二十五里或曰今治即其故城址考續通典稱高唐故城在

廢禹城西四十里是龍頡城在高唐故城東南六十許里與

今治至高唐故城方向里數皆合備考

魏崔浩稱弓高有龍頡村在今景州東三十里蓋漢封弓高侯韓隤當孫謙為龍頡侯食邑在彼其地

非漢平原郡地龍頡縣城不在彼也漢侯邑此類甚多觀漢書表可見詳雜考顏師古曰作額非通鑑辨誤史炤曰鄂格切按班志注云頡音洛若從鄂格切則是額字史炤殆不

考字書也按頡音洛今漢志無此注文

後魏齊州太原郡祝阿縣魏徙祝阿縣來治齊因之周徙治龍

頡故城尋還後魏故治

齊太原郡廢祝阿未詳所屬

後魏祝阿縣故城在西北

里寰宇記引括地志云禹城

在山荏縣北

唐初山荏即豐齊縣當云祝阿故城在山荏北括地志成於唐貞觀時不但漢祝阿城不當稱

禹城後魏祝阿城其時猶未改名也後魏移於濟北濟水此必非括地志原文當是樂氏之誤

云廢禹城縣在禹城縣南八十里又云阿陽城在廢禹城西

北五十五里在禹城縣南七里然則廢禹城在今禹城南微

東六十餘里耳合之高唐故城在西四十里之說則後魏祝

阿城當在縣西北二十許里

寰宇記周宣帝時祝阿曾理龍頷故城玩曾字義蓋不久仍
還魏治祝阿後魏徙濟北近志絕無考及者後漢書章懷注
祝阿故城在今山荏縣東北是唐初已稱漢治為故
城近志稱唐改漢
縣為禹城誤矣

隋齊州祝阿縣唐禹城縣地武德初置源陽縣貞觀元年省入

祝阿天寶元年改祝阿為禹城乾元初徙治遷善村即今禹城
唐元和十

年以前縣境當
有豐齊縣地五代宋因之

寰宇記源陽縣故城在禹城縣南百里按縣以在源水之陽
得名源即漯水水北為陽漯水在禹城南五六十里今有故
道源陽縣似不能在禹城南百里通志疑縣西北五十里倫

鎮本宋安
仁鎮為源陽縣近是備考

金山東東路濟南府齊河縣偽齊劉豫置

齊河縣即今治水經注玉符水北流注濟即城東豐齊河
入大清河處建

武五年耿弇擊張步從朝陽橋渡兵即是處也齊乘齊河本

宋之耿濟鎮漢耿弇討張步自朝陽濟河此濟濟
非濟河即此地金

劉豫家於此僭位後置為縣大定八年始城之山水篇云齊
河縣南門外有梁跨水古朝陽橋遺蹟按耿弇攻張步首攻
祝阿光武所謂攻祝阿而發迹是也後漢書章懷注朝陽橋
在齊州臨濟縣蓋因臨濟乃隋朝陽縣地余謂此朝陽自是
橋名如至章邱之臨濟鎮則已出歷城東矣非是 紀要宋

改耿濟為齊河未知所據

元直隸都省山東德州齊河縣至元三年屬

明山東布政司濟南府齊河縣

國朝因之

縣志乾隆二年修東漢名耿濟鎮繆

齊東縣

漢青州濟南郡朝陽縣後漢曰東朝陽魏因之

朝陽縣故城在西南三十里俗曰魏王城寰宇記臨濟縣朝

陽城在縣東北四十里此城西南去臨濟鎮與此合魏王之

名未詳所由俗傳李密築無據紀要後漢書濟南王康傳

建武三十年以平原之朝陽益之未詳何時移屬平原 杜

預稱濟南朝陽是晉初猶仍漢舊補三國志魏屬樂安不可
從

晉青州樂安國東朝陽縣

劉宋青州濟南郡朝陽縣樂安郡臨濟縣

後魏齊州濟南郡朝陽縣東平原郡臨濟縣齊州未詳

魏志朝陽有朝陽城未詳徙治何所或曰即縣西延安鎮

劉宋臨濟縣故城在東三十里今劉家鎮魏志臨濟有建新

城鄒平城蓋於臨濟城僑置長樂縣西徙於其西境建新城

來即臨濟地詳青城兼有鄒平地也寰宇記臨濟縣此即今故樂安城

在縣東八十里漢更干乘郡為樂安國即此是也考後漢樂

安國治臨濟縣在今高苑西北二里西去隋唐臨濟縣百二十許里與八十里之數迥不相符此樂安城即劉宋徙建信鄒平兩城間之臨濟縣誤以為漢縣遂以為樂安國耳今劉家鎮有古城址舊誤為漢梁鄒城其地在建信西南新城鄒平故城孫鎮北而西去臨濟鎮正八十里即宋魏臨濟城矣元和志臨濟縣開皇六年移朝陽縣理於此是齊周有朝陽也又云隋改朝陽為臨濟或齊周已省臨濟或隋初省所未詳矣闕疑俟考齊乘高齊省朝陽入章邱考齊高唐尚未改章邱且臆度不足據

隋臨濟縣地開皇六年徙朝陽於今章邱之臨濟鎮十六年朝陽為臨濟別置朝陽縣大業二年省入臨濟唐五代因之宋鄒平縣

地九域志鄒平有趙巖口鎮臨河鎮章邱縣地金因之邱有延安鎮又鄒平有介東鎮齊乘齊東縣舊趙巖口金為齊東鎮劉豫置夾河巡檢司介東即齊東之訛

隋復置之朝陽或因漢舊或因魏治或別築城皆未詳

元都省燕南河北道河間路齊東縣戊子年析鄒平章邱置憲宗三年屬濟南路至元二年屬

齊東縣即今治 紀要城東有齊東舊城在大清河東岸遺址尚存按在大清河東當在今縣城西縣志不載未詳

明山東布政司濟南府齊東縣

國朝因之

縣志康熙己丑年修志文義多不通考證錯誤何足與辨

濟陽縣

周齊犂邑又名犂邱

春秋哀公十年左傳晉趙鞅伐齊取犂及轅杜注犂一名隰
濟南有隰陰縣又二十五年晉伐齊戰於犂邱杜注隰也水
經注漯水逕隰陰縣故城東故犂邑也按漯本作濕他合反
漯其省文作溼作隰皆形訛

詩俟我于著乎而漢書地理志引之顏師古曰著地名濟南
著縣按當從門屏之間為著之說

漢青州平原郡漯陰縣濟南郡著縣後漢因之魏漯陰未詳所
屬後漢書建武三十年以平原之漯陰益濟南國中元二年
削之肅宗還所削地還屬平原當在永興元年國除後

漯陰縣故城在西南五十里寰宇記稱在臨邑縣西十里

著縣故城在西二十里今郛城水經注漯水自漯陰東又東逕著

城南又甘棗溝自漯陰北又東逕著城北是著城在漯陰東北也

縣西土河即甘棗溝故道郛城在土河南漯陰城東北即著
城矣蓋自韋昭誤著為著魏志齊乘仍沿其誤郛又著之訛

耳寰宇記著城在臨邑東南五十里據今臨邑言如在劉宋

臨邑東南五十里則在大清河南今歷城境矣漯能逕其南

甘棗溝能逕其北耶近志以曲堤鎮或回河鎮當之皆非是

齊乘臨邑縣漢濟南著縣平原漯陰縣地古城謂漯陰城近在

縣西十里按此本寰宇記劉宋至宋初臨邑沿革也元時臨

邑卽今臨邑其西十里安所得漯陰城乎

晉青州濟南郡著縣漯陰縣

晉志濟南無二縣茲據晉書解系傳濟南著人及魏志見歷

並杜預說前見補又寰宇記宋武帝平廣固遂移漯陰於今臨

邑西北五十里曰北漯陰城是東晉末漯陰猶未廢也補三

國志補東晉志皆無漯陰殊爲疎漏 紀要稱石趙復置漯

陰劉宋曾僑置青州按石趙復置遍考未得所據宋本有青

州何煩僑置迨沒於魏又何緣僑置於漯陰乎況漯陰本青

州地如曾爲州治可云移治不得云僑置也

劉宋青州濟南郡著縣僑冀州魏郡臨邑縣

後魏齊州濟南郡著縣東魏郡臨邑縣

僑臨邑縣故城在西南 十里魏志臨邑有鵲山隰陰城元

和志臨邑縣在州北六十里州今濟南府其故城當在縣西

南三四十里互詳臨邑

高齊齊州濟南郡臨邑縣是時實土周因之

隋齊州臨邑縣及臨濟縣地縣治本臨濟地宋入章邱又安德州安德縣地

唐河南道齊州臨邑縣元和十三年置歸化縣太和四年省

入臨邑又臨濟縣地五代因之宋臨邑縣地章邱縣地

歸化縣故城在西北五十里今新市城寰宇記唐元和二年

新唐志在橫海軍節度使鄭權奏德州安德縣渡黃河南鄰

齊州臨邑縣有灌家口草市胡三省曰天下兵爭凡民居在城外率居草屋以成市里以其

價廉功省猝遇兵火不頃者成德軍於市北十里築城名福至甚傷財以害其生理

城城緣隔黃河與臨邑縣對岸又居安德安平唐志無此平縣詳德州

原三縣界疆域闊遠易動難安請於此置縣以歸化為名詔

從之今廢為鎮按元和志黃河在臨邑北七十里當在今府

北百二三十里歸化城在北岸今新市城正其地縣舊志相

傳為故縣治亦其證也互詳臨邑

宋臨邑縣已徙今治據宋志則建隆三年先徙縣西南之孫

耿鎮備考互詳臨邑

金山東東路濟南府濟陽縣天會八年或以為天會三年誤析臨邑章邱

於標竿鎮置大定六年改名清陽避金主允濟名旋復故又臨邑縣地

濟陽縣即今治金承安三年縣學碑稱天會八年改置縣其明年劉豫始僭號齊乘以為豫置非也

元都省山東濟南路濟陽縣附至元二年置新市鎮長官司隸

濟南路

齊乘新市鎮城舊屬臨邑至元二年併入濟陽撥戶千二百

四十六置長官司管投下差稅直隸濟南路按既云隸路則

不得云併入濟陽或先自臨邑割隸濟陽又置長官司隸濟

南路歟

明山東布政司濟南府濟陽縣 裁長官司

國朝因之

縣志乾隆三十年修沿革春秋甯戚采邑誤 晉荀瑤伐

齊取犁及轅誤趙鞅為荀瑤 漢著縣及陽邱縣地東漢

省陽邱朝陽獠入東朝陽三國魏晉東朝陽地北齊廢朝

陽置高唐縣隋唐五代章邱臨邑地按以上皆因縣治本

宋之章邱地遂將章邱沿革裝入又復錯謬百出東朝陽即朝陽

高唐非廢朝陽置 唐以前縣境無章邱地以臨濟未省也 縣自劉宋以來即臨邑不始於隋 金割章

邱臨邑故著縣置今縣按古縣在縣境者不止著縣且既

云章邱臨邑則著故地已在其內此殊夾雜 古蹟著城

即曲堤鎮臨邑城疑即邾城馬防城即仁風鎮皆沿通志

之誤 新市城南北朝會僑置中山國之新市縣按此想

當然語余謂新市之稱似因對岸草市得名

德州

夏鬲國

春秋哀公元年左傳伍員曰寒浞滅夏后相靡奔有鬲氏杜

注今平原鬲縣水經注以為有窮后國似誤

漢青州平原郡鬲縣西境當有冀州信都國廣川縣地後漢魏晉因之

鬲縣故城在東南二十五里據水經注大河故瀆逕鬲城西

在繹幕縣之後通典安德下鬲縣故城在西北寰宇記引郡

國縣道記及齊乘說並同州志云東南二十五里武家莊掘

井得城牆一段即古鬲城考其地在老黃河之東繹幕城北

陵縣西北從之近志有稱在德平東十里者又有謂古國漢

縣為兩城者皆繆後漢志高縣次般縣後後人誤以高侯國三字作般縣注般城在德平東因致此誤

後魏高縣地移縣治臨齊城詳陵縣高齊周安德縣地廣川縣後漢屬清河

晉屬渤海後魏屬長樂齊省入棗強其故城在今直隸冀州棗強縣東十八里齊周縣西境當有棗強地

隋德平原郡長河縣開皇十六年復置廣川縣於此去漢城八十里仁壽

元年改名闕駟曰廣川縣中有長河為流故曰廣川顏師古曰隋仁壽元年初立煬帝為皇太子以避諱故改長河

長河縣故城在州東十里今方山店

隋志安德下開皇十六年置繹幕縣大業初廢入焉州志州

東南四十里篤馬河東岸龍泉寺東有廢城址寺碑云東鑑

魏國城此地舊屬安德即隋繹幕之廢址按漢繹幕城唐宋

屬平原隋縣省入安德州志雖無據亦未敢謂其逕非也故

州與恩縣繹幕縣復置皆不書附此備考

唐河南道德州平原郡長河縣五代梁唐因之晉移州來治長河西

城漢因之周省縣入將陵州還治安德

唐長河縣西城在城西衛河西岸元和四年徙十年又移治

小胡城即今治舊唐志長河縣城為水所壞移就白橋於永

濟河西岸置縣東去故城十三里十年又置河東小胡城唐初

寶建德故將王小胡亡命至貝州作亂此城當其所築近志或作小壺似誤宋志將陵縣本唐

長河西城晉為德州治周廢為鎮按唐已移縣治小胡城晉

復移治西城耳 紀要宋廢為鎮誤

宋河北東路永靜軍將陵縣景祐元年移縣來治長河西城故其城在安德北五十里今為直隸河間吳橋縣地

紀要宋移將陵即今州治通志宋移於小胡城皆與宋志不

合

金河北東路景州將陵縣

元都省燕南河北道河間路陵州憲宗三年升將陵縣為州來

屬旋屬濟南路至元二年降為陵縣三年復為州還屬州志至元二十

三年又徙治西北十許里未知所本

明山東布政司濟南府德州洪武元年降陵州為縣屬濟寧府

二年屬德州七年廢陵縣其地直隸於州移州來治附洪武初

置德州衛於小胡城三十年州治移入

國朝因之田雯長河志高真觀前土人掘地得石鐫曰安平縣界按漢安平縣屬涿郡境不及此歷考前史地志此左近並無安平縣惟寰宇記載唐元和時鄭權奏置歸化縣稱為居安德安平平原之間則唐時曾於德州置安平縣而史失載耳此立石處當是其縣界石其治所未知何在通志德州古蹟載安平縣址似不合

州志乾隆三十五年修志多杜撰武斷摘其尤者如左

自古黃河皆逕州境 以篤馬河為潔而力駁水經注

以臨齊城為曹魏築且杜撰魏武伐袁氏時一事以實之

訓鬲津為隔言津自此隔斷 訓篤馬河如馬之篤厚

有力 訓屯氏河為屯如邈如水不進也 漢許商自高

唐以東開新河名為潔 殷河決者五皆在州境

續山東考古錄卷之三

滄州葉圭綬子佩甫述

濟南府下

德平縣

漢青州平原郡平昌縣般縣幽州渤海郡重平縣

平昌縣故城在東南三十里詳紀要稱在東北一里非是

般縣故城在東北二十五里舊唐志作三十里

重平縣故城在西北三十里亦在直隸吳橋縣東南二十里或作重合城非

後漢青州平原國西平昌縣般縣冀州渤海郡重合縣地水經注引

應劭曰重合縣西南屬冀州魏晉因之晉平原西平昌晉亂廢

續山東考古錄

卷之三

德平縣

西平昌縣故城在西南三十里舊以為前漢平昌城非詳下

後漢志平原無西平昌縣而樂安國下注文高帝置為千乘

郡句帝字下置字上衍西平昌三字蓋兩地相次錯簡於此

魏志平昌下後漢晉為西平昌寰宇記平昌縣後漢改為西

平昌皆其證劉宋志稱後漢省蓋續漢志之錯簡久矣

後魏滄州安德郡治般縣郡城即今縣治中興初分樂陵郡置

太和初罷天平初復又重平縣孝昌中復寰宇記云宣武大明二年復今從魏志

又平昌縣太和二十二年復西平昌晉未廢魏志云後漢晉曰西平昌後罷蓋晉亂廢也寰宇記

日永熙二年除西字屬渤海郡熙平中屬樂陵郡後屬

魏志滄州安德郡治般界蓋與縣不同城也隋志平昌下後

魏置東安郡後齊廢當作東安德郡以別冀州安德郡魏志

無東字或史官追加者隋平昌即今治蓋後魏於此別築城

為郡治高齊廢郡徙平昌縣於此也

後魏平昌縣即前漢平昌縣城魏志滄州平昌下云治平昌

城則仍漢治甚明寰宇記云漢平昌故城在德平縣西北三

十里後魏永熙二年移於今縣東南廢平昌縣城據此是後

魏移治又甚明考水經注商河所逕曰平昌縣城屯別南河

所逕曰西平昌縣城是兩城判然兩地蓋前漢治今縣東南

之平昌城後漢治西北徙故加西字後魏復置於前漢治故

除西字舊說琅邪有平固故此加志曰治平昌城以別於西

平昌城也舊唐志平昌下云故城在今縣東三十里卽此城矣齊乘亦稱移理古城乃與寰宇記皆不載明兩漢非一城則所謂廢城古城者何代之城耶

高齊齊州平原郡平昌縣天保七年廢安德郡移平昌縣治廢郡城省般重平二縣入之周因之

寰宇記德平縣高齊天保七年又移於今理

隋齊州平昌縣開皇十六年復置般縣於西平昌故城

唐河北道德州平原郡平昌縣貞觀十七年省般縣入之太和二年

屬齊州三年還屬五代梁因之唐改今名續通考以爲後梁改非蓋後唐避諱也

晉漢周因之

唐般縣故城在西南十六里貞觀十年徙寰宇記貞觀十年般縣被水漂沒又移於漢平昌城東北十四里今縣西南六十里築城以置百姓按此平昌城乃西平昌城隋般縣也唐城在其東北十四里則在今縣西南十六里傳寫字倒耳

宋河北東路德州平原郡德平縣熙寧六年省入安德爲鎮元符二

年復

九域志安德有德平鎮是省入安德也宋志德州無此縣而齊乘以爲元符二年復置宋志蓋因九域志而漏載也

金山東東路德州德平縣

元直隸都省山東德州德平縣

續山東考古錄 卷之三 德平縣

明山東布政司濟南府德州德平縣

國朝山東布政司濟南府德平縣

縣志

禹城縣

周齊高唐邑

春秋襄公十九年左傳夙沙衛奔高唐以叛杜注高唐在祝阿縣西北按水經注漢高唐縣即齊高唐邑但晉時高唐並未省入祝阿杜氏不云今平原高唐縣而謂在祝阿西北後魏高唐縣屬南清河郡而魏志祝阿有唐城寰宇記既稱高唐故城在禹城南五十里又云高唐亭城在禹城南一百里

疑漢縣非古邑也又三國魏志徐晃傳朱靈封高唐亭侯或魏別立侯邑杜氏誤以為古高唐亦未可知備考 路史高城在齊之禹城漢故縣黃帝後姜姓之國按當是漢之高城縣蓋高城屬渤海亦齊地又云曹城侯爵在禹城高陽氏之後寰宇記漕城在禹城南一百里以為衛侯所廬之漕邑誤甚路史又云古用國在禹城西
漢青州平原郡高唐縣阿陽縣後漢省阿陽入漯陰魏因之
高唐縣故城在西南五十里寰宇記云云見又續通典稱在廢禹城縣西四十里近志稱在倫鎮西北是也東昌府志以今高唐州為古邑謬甚

阿陽縣故城在南七里俗曰羊落城寰宇記稱在廢禹城西
北五十五里又云在禹城縣南七里水經注引應劭曰潔陰
縣東南五十里有陽阿鄉故縣也按河水絕潔北流而逕阿
陽城西潔絕河東流而逕潔陰城東是阿陽城在潔陰西北
之明證潔陰故城在濟陽西南之臨邑故城西十里今羊落
城正在其西北四十許里如應氏說則阿陽城當在大清河
南歷城濟陽境上矣河水自平原東境能逕其西耶東南乃
西北之訛無疑 漢志作阿陽水經注作陽阿考阿陽乃漢
陽郡縣名志或有誤寰宇記稱漢魏以下改爲陽阿此縣後
漢已省尙何改耶 二城與河潔二水
故道考參觀便明

元和志天寶元年改祝阿爲禹城縣以縣西南三十里有禹
息故城因以爲名按禹息城蓋在廢禹城西南三十里也漢
平原郡屬惟羽縣故城無可考羽縣莽曰羽貞余謂禹爲羽
字音訛息爲貞字形訛耳備考

晉冀州平原國高唐縣又青州濟南郡潔陰縣地高唐晉亂廢
魏志高唐二漢晉屬平原後罷
縣南境當有二漢晉之祝阿縣地 今
後魏齊州南清河郡高唐縣景明中復置又齊州太原郡祝阿
縣地 後魏祝阿城卽廢禹城
在今齊河縣西北境 高齊徙高唐於廢南清河郡城 詳
唐今縣境仍爲高唐縣地 元和志黃河在高唐縣東四十五里
卽縣境趙牛岔河是蓋齊徙治後縣
境猶有祝阿縣地周隋因之

唐河南道齊州禹城縣天寶元年改祝阿為禹城乾元二年徙縣來治又

博州高唐縣地五代因之

乾元二年後禹城縣即今治本遷善村寰宇記乾元二年逆

黨史思明侵河南守將李銳於長清邊家口決大河東至縣

因而淪溺今理遷善村 元和志縣至齊州百五十里又云

在州西北八十三里則指廢禹城言寰宇記用此數誤也但

今縣至府僅百一十里元和志似從廢城加算今縣至廢城

六十餘里加八十餘里正百五十里矣

宋京東東路濟南府濟南郡禹城縣縣無高唐地當在高唐徙今治後

金山東東路濟南府禹城縣析置齊河縣

元直隸都省山東曹州禹城縣

明山東布政司濟南府禹城縣

國朝因之

縣志嘉慶十三年修知縣董鵬翔沿革晉以前但載祝阿不合

臨邑縣

漢至晉潞陰安德平原等縣地詳濟陽歸化城東晉末移潞陰來治巨

澤亭劉宋至隋臨邑安德平原等縣地唐元和十三年後歸化

縣地太和四年至五代臨邑縣地割諸縣置歸化縣又省入臨邑也

東晉潞陰縣故城在東南 里俗曰薄刺王城水經注潞

水歷北潞陰城伏琛謂之潞陽城地理風俗記曰潞陰有巨

涑亭是也寰宇記宋武帝移涑陰於臨邑西北五十里北涑
陰城

宋志德州下宋初省歸化縣按歸化唐太和四年省詳濟或
唐末五代復置歟縣北二十里有歸化城址其非在河北岸
之唐歸化縣城甚明或復置於此歟再考

宋京東東路濟南府濟南郡臨邑縣

宋志臨邑下建隆元年河決公乘渡口壞城三年移治孫耿
鎮按宋至今縣未再徙舊說稱今治卽宋徙是也但舊孫耿
鎮實在今濟陽西南四十里新孫耿鎮在齊河寰宇記縣已徙治仍
用舊文者甚多旣不足據九域志濟南一郡又復闕如殊難

詳究但寰宇記雜集羣書而成其山川古蹟往往一縣而或
用舊文或據新志如臨邑縣稱古黃河在縣南二十里考元
和志黃河在臨邑北七十里孫耿鎮南二十里黃河從古所
未經而今縣南之小支河正水經注河水故道宋初稍南行
今土河故以此爲古黃河據此是太平興國時臨邑卽今治
無疑通志謂徙孫耿不久又徙今治理或然也雖然劉宋僑
立臨邑於今府北六十里寰宇記作五十里亦計里至宋初
不改而今濟陽西南六七十里內除孫耿鎮外並無臨邑故
城孫耿鎮南至府五六十里疑宋建隆三年卽徙今治改舊
治爲孫耿鎮而宋志有誤未可知也俟再考

金山東東路濟南府臨邑縣析置濟陽縣

元都省燕南河北道河閒路臨邑縣初屬濟南路太宗七年來屬憲宗三年屬濟南路至元二年還屬

明山東布政司濟南府臨邑縣

國朝因之

縣志道光十七年修沿革秦東郡黎縣齊郡濼陰縣並今知縣沈淮

縣地東漢省黎縣入濼陰按濼陰即古犁邑東郡黎縣在今鄆城縣西此既誤以為齊犁邑又杜撰東漢省入濼陰之說譬今鄆城能省入濟陽耶況古犁邑漢濼陰在今濟陽與今臨邑毫無干涉 古蹟蒞邱亭濼陰城新市城唐

歸化城著城臨邑城孫耿鎮皆在今濟陽蒞邱即濼陰新市即歸化

漢臨邑城一名馬防城詳東阿誤稱在僑臨邑境又杜撰劉

宋東魏郡治馬防城

平原縣

漢青州平原郡治平原縣冀州清河郡鄆縣漢書表作俞師古曰音輸及繹幕縣地故城在西北二十五里今屬恩縣王莽以平原安德濼陰高重邱地方百里為定安公劉嬰國按嬰未就國未必有治所

平原縣故城在西南二十五里或以縣為趙平原君封邑考

戰國齊趙界河縣治在河東通典平原郡春秋戰國屬齊是也平原君封於東武城今山東境有十一平原城漢縣一也高齊縣二也宋平原郡即漢梁鄒城三也宋平原縣在漢

高苑境四也後魏平原縣在今鄒平五也宋陽平郡平原縣
在今汶上六也後魏平原郡在今聊城東北七也齊移汶上
之平原於今寧陽八也隋初平原縣即漢鄒平九也隋平原
郡今陵縣十也又高齊東平原郡即廣川郡城十一也而趙
公子稱平原君所封之
東武城卻無平原之名

郟縣故城在西南三十里續通典稱在德州今陵縣西南五十

里按陵縣西南至今治已五十里此不合寰宇記

後漢青州平原國治平原縣永寧元年改郡為國河間王開子

之廢安帝時國除為郡建和二年復為國桓帝兄都鄉侯碩封建

安十一年國除為郡又冀州清河國郟縣及繹幕縣地魏黃初

三年平原復為國七年除為郡明帝封此晉仍為國屬冀州王

於晉初封不就國永嘉五年卒年八十是西晉平原終為國也而晉書惠帝紀永興二年公師藩害平原太守王景是時幹尚

在或以未就國不行國制歟
否則平原國內史史誤稱耳

後魏冀州安德郡平原縣真君二年併入高縣太和二十一年

復二十三年移平原郡治聊城之王城平原縣來屬又於縣置

東青州未幾罷置罷未又繹幕縣地又濟州南清河郡郟縣寰

記後魏
省誤

水經注河水逕張公城魏青州刺史張治此當即東青州治

也城在今治南六十里元和志張公故關在長河縣
東南七十里與此非一地

高齊冀州安德郡平原縣省郟繹幕二縣入之周因之

齊平原縣即今治據舊
唐志

隋德州平原縣開皇三年屬冀州九年屬隋復置郟非
漢治詳夏津

續山東考古錄 卷之三 平原縣

唐河北道德州平原郡平原縣太和二年屬齊州三年還屬五代因之

宋河北東路德州平原郡平原縣

金山東西路德州平原縣

元直隸都省山東德州平原縣

明山東布政司濟南府德州平原縣

國朝山東布政司濟南府平原縣雍正八年屬高唐直隸州十二年還屬

縣志乾隆十三年修知縣黃懷祖疆域趙平原君食邑誤 劉宋仍為

郡治又有兩平原一置於鄒平地一分甯陽地置按劉宋

疆域不及縣境置於鄒平者宋但為郡非縣今甯陽高齊

平原非劉宋置 北魏眞君三年省平原入高縣考宋明

帝泰始二年冀州始陷於魏眞君三年當宋元嘉十九年

冀州尚為宋有何由省入高耶按此竟不知劉宋冀州在

青州魏時僑冀州已改齊州故不知與之核對致此巨謬

繹幕北齊後不復見省於何時無明文惟南齊志繹幕縣

屬南清河郡建武二年省則僑置遙領矣鄒縣省入平原

見北齊書按繹幕北齊省入平原見寰宇記南齊書云云

乃南徐州所領與此不相干齊省鄒入平原見隋志北齊

書無此文

陵縣

周齊重邱邑

春秋襄公二十五年同盟於重邱杜注齊地水經注謂即漢重邱縣姑從備考

漢青州平原郡安惠縣重邱縣

西境當有
鬲縣地

安惠縣故城在東南三十里舊以今治為漢安惠城其誤由舊唐志安德漢舊縣今州治至隋不改之說考寰宇記德州下云後魏太和中於今州東南三十里安德故城置安德郡隋開皇三年罷郡九年於今安德復置德州此漢縣在彼不在此隋始移今治之明文其安德下不載故城人多不察耳

重邱縣故城在東北二十里今神頭鎮自顏碑有厭次在德

州詳陽

信東北廿二里之繆說近志踵襲甚或反據之以駁酈

注考證已辨其誤特其地確有古城址非證明係古何城仍無以執沿訛之口考水經注屯別南瀆逕安德縣故城西又東北逕臨齊城南又屈而逕其東始東齊未賓大魏築城以臨之故城得其名也又東北逕重邱縣故城西應劭曰安德縣北五十里有重邱鄉故縣也又東北逕西平昌縣故城北按安德故城在今縣東南三十里神頭鎮在今縣東北二十里則在安德故城北正五十里而今治即臨齊城在其西南德平之西平昌城在其東北平原之鴻溝即屯別南河恰逕

其西其為重邱故城夫復何疑舊說在直隸吳橋境蓋誤以今治為漢安德城其北五十里已入吳橋境故云然耳

後漢青州平原國安德縣建武三十年以安德重邱等六縣益濟南國中元二年削安德等五縣無重邱則省在建武三十年後矣又建初八年復還所削地永興元年復還平原郡魏因之

晉冀州平原國安德縣

後魏冀州安德郡治安德縣太和中置郡尋併入渤海郡中興中復又移鬲縣來治臨齊城移治未詳何時高齊省鬲縣周因之

後魏鬲縣即今縣治魏志鬲縣治臨齊城今治安德故城在東南重邱故城在東北鴻溝逕其南又屈逕其東其為臨齊城無可疑者舊謂德州之邊臨鎮是其地在屯別北瀆之北

屯別南河能逕其南與東耶

隋志安樂下舊置平原郡開皇初廢按後魏平原郡治聊城縣隋志聊城下亦云舊置平原郡開皇初廢則齊周平原郡仍治聊城可知此當作舊置安德郡

隋德州平原郡治安德縣開皇三年廢安德郡縣屬冀州九年置德州大業二年改平原郡

隋安德縣即後魏鬲縣城開皇九年徙隋志此縣作安樂他書皆無隋改安德為安樂之說舊唐志安德漢至隋不改以言治所則誤以言縣名則可證隋志之誤唐仍名安德諸書亦無唐改安樂為安德之說樂字傳寫訛耳

唐河北道德州平原郡治安德縣五代因之

宋河北東路德州平原郡軍事治安德縣熙寧六年省德平入之元

符二年復析置九域志治安德又有將陵鎮蓋徙治長河西城故城入安德也金復析入吳橋

金山東東路德州防禦治安德縣

元直隸都省山東德州治安德縣州初屬東平路後析隸省部

明山東布政司濟南府陵縣洪武九年廢安德縣其地直隸於

州七年移州治元陵縣故城十三年復析德州置今縣來屬

國朝因之

縣舊志康熙十二年修康縣史竟不知為古安德縣其古蹟載城內有安德縣

故治以為無可考知為古平原郡將漢郡及平原縣皆混

屯別南河能逕其南與東耶

隋志安樂下舊置平原郡開皇初廢按後魏平原郡治聊城

縣隋志聊城下亦云舊置平原郡開皇初廢則齊周平原郡

仍治聊城可知此當作舊置安德郡

隋德州平原郡治安德縣開皇三年廢安德郡縣屬冀州九年置德

州大業二年改平原郡

隋安德縣即後魏鬲縣城開皇九年徙隋志此縣作安樂他

書皆無隋改安德為安樂之說舊唐志安德漢至隋不改以

言治所則誤以言縣名則可證隋志之誤唐仍名安德諸書

亦無唐改安樂為安德之說樂字傳寫訛耳

唐河北道

德州平原郡

治安德縣五代因之

宋河北東路

德州平原郡

軍事治安德縣熙寧六年省德平入之元

符二年復析置

九域志安德又有將陵鎮蓋徙治長河
西城故城入安德也金復析入吳橋

金山東東路德州防禦治安德縣

元直隸都省山東德州治安德縣州初屬東平路後析隸省部

明山東布政司濟南府陵縣洪武九年廢安德縣其地直隸於

州七年移州治元陵縣故城十三年復析德州置今縣來屬

國朝因之

縣舊志

康熙十二年修知縣史颺庭

竟不知為古安德縣

其古蹟載城內有安德縣

故治以為無可考不知何以成志矣

知為古平原郡將漢郡及平原縣皆混

入

新志

道光十七年修知縣沈淮

較舊志自彬彬可觀惜不知據

齊乘考證仍沿顏碑誤說以神頭為厭次 志不言安德

有故城其圖有故城在今治西北似未見寰宇記 其古

河圖錯誤尤甚

長清縣

周祝國春秋為齊祝柯邑又盧邑石窳邑野井邑

禮樂記武王封帝堯之後於祝史記作黃帝後又春秋襄公

十九年盟於祝柯杜注今祝阿縣左傳作督揚杜注即祝阿

考成十六年我師次於督揚不敢過鄭杜注以為鄭東地又

自督揚遂次於泗上督揚似非祝阿或兩地同名歟存疑俟

齊山東考古錄

卷之三

長清縣

七

考 竹書紀年周平王十三年齊人滅祝

春秋隱公三年齊鄭盟於石門尋盧之盟也杜注盧齊地今

濟北盧縣 路史盧姜姓國

○又成公元年左傳予之石窳杜注濟北盧縣東有地名石窳

元和志稱在長清縣東三十里今縣東 十里有石窩村即

石窳也

○又昭公二十五年齊侯唁公於野井杜注濟南祝阿縣東有

野井亭水經注玉水枕祝阿城東野井亭西注於濟當在今

豐齊鎮東北玉符水東岸

漢兗州泰山郡盧縣文帝前元年為濟北國治

國治今平陰縣之北安故城

武帝後元二年析濟北所治城為北安縣後併入盧縣又荏縣
青州平原郡祝阿縣

盧縣故城在縣南 十里寰宇記盧城在長清縣東南五十

里考水經注濟水逕盧縣故城北漢賓谷水出格馬山而北

逕盧縣故城北是盧城在二水之間非西瀕濟岸也今治南

稍西有馬西學城近志以為孫臏龐涓學道之所無據在大清河南沙河即漢賓谷

水之間隔馬山在其東故曰馬西自長清故城視之南而微東似

即盧縣故城備考 紀要誤以長清故城為盧城又誤作二

十五里近志多沿其繆

荏縣故城在東南三十里今張夏鎮

祝阿縣故城在東北三十許里

後漢兗州濟北國治盧縣和帝復置國建安十一年除為郡十

七年復為國又泰山郡荏縣青州平原國祝阿縣建武三十年

南國中元二年削之建武八年復還所削地永興元年復故魏初濟北為郡太和六年復為

國改荏為山荏縣

三國魏志景初元年春正月壬辰山荏縣言黃龍見

晉兗州濟北國盧縣國移治穀城縣之盧子城詳東又泰山郡

山荏縣青州濟南郡祝阿縣後趙石氏置祝阿郡東晉義熙中

僑置太原縣屬泰山郡

晉書桑虞傳石虎青州刺史劉徵請虞為長史帶祝阿郡

僑太原縣故城在西南十五里又名升城補東晉志僑郡縣

內有太原縣下云太原漢郡名屬并州沈志本郡僑立此縣

晉安帝義熙中土斷立屬太山郡按地形志司馬德宗置又

劉義隆置太原郡是晉有太原縣而無太原郡也圖經在長

清縣東北名東太原城亦曰升城余按水經注濟水逕盧縣

北又北逕什城北城際水湄故邱閣也祝阿人孫什將家居

之因謂之什城魏志太原縣治升城什升字形訛也其城在

濟水之濱即隋唐長清縣城詳圖經在東北者乃劉宋太原

郡所治山荏城去濟水四五十里非升城洪氏既知晉無郡

又引圖經云晉義熙中僑置太原郡於此不一置辨何耶且

晉此縣屬太山郡當列實郡僑縣不當列僑郡僑縣

劉宋青州僑太原郡治山荏縣又太原縣祝阿縣兗州濟北郡

盧縣明帝太始三年并州曾治太原縣

并州刺史清河房吉守升城

水經注太原郡治山荏

後魏齊州太原郡治太原縣孝昌二年徙治又山荏縣盧縣又

祝阿縣地徙縣治於濟水北高齊廢太原郡與周三縣皆未詳

何屬

此盧縣疑高齊已省

寰宇記長清縣後魏孝昌二年自山荏故城移東太原郡於

此又隋志長清下云又有東太原郡後齊廢按魏志此太原

郡無東字或史官追加者

魏志齊州盧縣有盧城平陰城孝子堂未詳徙治何所

隋濟

州北郡

長清縣開皇五年廢太原縣為鎮十四年於其故城

置長清縣又置時平縣大業初改名濟北亂廢省山荏入歷城

升城西濱濟水圖經稱東太原郡即升城寰宇記長清縣即

後魏太原郡城是長清縣故城即升城明矣近志長清故城

外別出什城非是

濟北縣故城在西南四十許里寰宇記長清縣故濟北城在

縣西三十里耆舊相傳云移於今縣改為長清按後魏荏平

亦曰時平此縣初置名時平或即後魏荏平所治之鼓城

縣志

亦載鼓城其城在大河之曲本在縣與今荏平界上但隋又有荏平縣未敢逕斷此縣

與長清同時置傳聞之說非是

唐河南道

齊州濟南郡

長清縣武德元年復置山茌縣屬齊州四年

復置濟北縣屬濟州貞觀元年省濟北天寶元年改山茌曰豐齊元和十五年省入長清五代因之

新舊唐志鄆州盧縣下並云天寶十三載濟北郡廢新志稱長清隸齊州舊志稱隸鄆州而長清下又並云貞觀十七年隸齊州兩書既不符本書又自矛盾未知孰是

豐齊縣故城在東北三十里今豐齊鎮元和志豐齊縣東北至州四十里本漢茌縣也又云祝阿城在縣東北二里據此豐齊治所當爲祝阿地山茌故城在其境內耳 寰宇記長

清縣廢茌城在縣東四十里漢舊縣隋廢唐武德九

元字筆誤年

復置在州西三十六里天寶元年八月改爲豐齊又一條云

廢豐齊縣城在城東北四十里唐憲宗元和十五年隸入當陽按二條當作一條否則唐復置山茌後自爲一條蓋唐復置卽豐齊城與故城無與也當陽二字殊不可解

宋京東東路濟南府濟南郡長清縣

宋長清縣卽今治至道二年徙本刺榆店

金山東東路濟南府長清縣

元直隸都省山東泰安州長清縣

明山東布政司濟南府長清縣

國朝因之雍正二年屬泰安直隸州十二年還屬

縣志道光十四年修沿革周清邑周首邑誤詳東漢龍

額縣誤詳齊東漢改荏為山荏按後漢志仍作荏和

帝遷盧於周首為郡治按晉濟北國治盧子城盧縣並未

徙治後漢省龍額入祝阿此想當然語南宋置東太

原郡按劉宋此郡無東字又云盧與祝阿皆屬之按宋盧

縣屬濟北後魏置東濟北郡復立肥城為郡治與縣無

涉移東太原郡於山荏西北數十里是時未立縣按此

不知郡治即太原縣後魏時盧在周首祝阿在豐齊北

按魏兩盧縣皆不治周首祝阿已移治北周立肥城郡

與縣無涉隋盧縣按隋盧縣即漢荏平與縣無涉隋

祝阿歸原處按後魏祝阿早非原處周移治龍額後還治

後魏之祝阿非漢治五年廢東太原郡改為長清鎮按

五年上脫開皇字廢郡是齊不是隋鎮何名古無明文

十四年又於故濟北郡設時平縣即古盧縣地尋省入盧

縣按開皇六年置濟北縣十四年置時平縣大業初省濟

北入盧治古荏乃改時平為濟北何嘗於故濟北郡置時

平縣乎大業初析盧南境肥城西地置山榆縣按所析

是漢盧非隋盧所置是榆山非山榆且與縣無涉大業

初復設濟北郡治盧與縣無涉以今縣考之隋時西南

為盧東北為長清按隋盧非縣西南之盧 天寶元年就

山荏地置豐齊縣仍移山荏於漢縣按此似因元和志寰

宇記而誤移於漢城則杜撰 改祝阿為禹城與縣無涉

五代省盧入長清按長清境內之盧隋唐之世已為長

清地治荏平城之盧宋初猶在 以上沿革幾於無句不誤

魏齊州之盧縣濟州之盧縣又晉濟北所治盧子城概

混而一之復不知後魏祝阿已徙濟北以致舛謬百出

濟南府補遺

付梓後續有所考不及錄入用仿朱氏日下舊聞之例補錄
各府州之後

歷城縣

春秋定公十年齊衛鄭會於安甫杜注地闕公羊作會於鞏山
河兩戒考謂即戰鞏之鞏余疑當別是一地

漢書功臣侯表臺侯濟南臺縣也路史以為臨淄臺鄉非是

屬齊郡云路史平陸城 即東平陵在歷城東南十里誤

晉書載記慕容德傳遣公孫歸等入寇濟南執太守趙元按上
文有遣尚書都令史王儼出為濟南太守之文此濟南當是僑

新山真考古金
郡宋書武紀義熙五年慕容德大掠淮北執陽平太守劉千載
濟南太守趙元蓋暫僑置於淮北者 儒林傳劉兆濟南東平
人平下脫陵字

宋志濟岷郡所領有營城縣或營城本濟岷屬縣僑郡沿實土
之制歟 又垣護之傳世祖以爲督冀州之濟南樂安太原三
郡諸軍事冀州刺史按護之以冀州刺史兼督青州濟南三郡
軍事宋志三郡屬青不屬冀也此作冀州誤

魏書莊帝紀永安二年齊州城人趙洛周據西城反濟陰王傳
元脩義爲齊州刺史以齊州頻喪刺史聽更立館宇於是移理
東城侯淵傳永熙初爲齊州刺史及汝陽王暹代爲齊州淵擁
部據城不時迎納州民劉桃符等潛引暹入西城按州治本亦
在西城元脩義始移治東城侯淵據之故州民迎暹入西城也
舊五代史高漢筠齊州歷山人按朱溫之父名誠當時郡縣有
城字者多改名後唐旋復故故可考者無幾漢筠入仕當梁代
或歷城曾改歷山史沿舊書之耳

宋史李溥傳齊州大水壞民廬舍欲徙州城未果命溥往視遂
徙城而還按今歷城卽東西二城故址據此傳則是宋曾徙治
所徙何地何時徙還耶考其時當太宗及眞宗初年五行志載
淳化二年齊州明水漲壞黎濟礮城百餘堵咸平元年齊州清
黃河泛溢壞田廬皆不言徙州事宋地志城有遷移者必載齊

州並無徙治之文或疑爲濟州之訛亦無據再考

章邱縣

肇域志管縣城在章邱西北二十五里水寨按齊乘誤以水寨爲營城顧氏又誤以營城爲管城其實水寨乃古黃巾城管城尙在其西營城又在管城之西數十里也

鄒平縣

唐書宰相世系表有鄒平郡丞李萬安其孫日知相元宗當是太宗高宗時人其時無此郡名也段志元文宗時封鄒平郡公當時亦無此郡但封爵往往虛立郡名郡丞則必確有此郡況唐初盡改郡爲州其時尤不應有郡丞也再考

淄川縣

路史菑國鄆也漢屬濟南郡隋爲淄川按隋淄川乃漢般陽縣古無淄稱又云僻國在淄州南四十里謂之大僻非僻南之小僻按此因史記漢書公孫宏傳而附會者

魏書房法壽傳房崇吉長子士隆興和中東清和太守帶盤陽鎮將和當作河南北朝輿地表清河槩作清和殊謬

德州

積古齋鐘鼎款識周鼎中有鬲攸从鼎文云佳卅有一年三月初吉壬辰王在周康宮又有皇祖丁公皇考惠公之文是鬲國周康王以後尙存矣

括地志高縣故城在安德西北五十里一統志謂在德州北與州志不同並存備考

舊五代史晉高祖天福五年十一月以水移長河縣治西城元史崔敬傳至正十七年分省陵州陵州乃南北要衝無城郭而居民散處云云按元升宋將陵縣爲陵州將陵治長河西城不得云無城郭州志稱至元二十三年又徙治西北余初未敢據觀此似元曾徙治本無城郭故今無址可考耳

德平縣

北齊書劉叔宗樂陵平昌人蓋齊省滄州安德郡入樂陵也

平原縣

括地志平原故城在平原縣東南十里按舊唐志稱故城在平原縣西南二十五里括地志疑誤

陵縣

輿地廣記稱隋於漢重邱故城置將陵縣蓋不知隋安德非漢城應劭謂安德北五十里有重邱故縣將陵縣在隋安德北五十里故云然耳元和志將陵縣取安德縣故城爲名蓋漢將陵侯城在安德境內取以名縣非於安德之重邱城置縣也

長清縣

服虔以祝其爲祝國誤
路史荏縣卽荏平誤

濟補

濟補

濟補

魏書許彥傳許廓除頓邱東太原二郡太守韓麒麟傳韓伯華為東太原太守按齊州太原郡地形志無東字此史官所加以為別崔長文傳稱齊州太原太守可證也

元史察罕帖木兒傳自將大軍渡河與賊戰於分齊大敗之進逼濟南城按分齊即唐豐齊縣

禹城縣

山河兩戒考趙邑有高唐恐誤

魏書路恃慶傳葛榮遣其清河太守季虎據

汲古閣本據字在季虎上高周

城周唐字形訛

臨邑縣

元史百官志至元二十一年置管領河間臨邑長官司掌軍民二百有二戶

